

及  
以  
其  
名  
為  
譜

邦俊公傳

邦俊公者思賢公二子我高祖邦智公仲兄也娶熊氏生子三人側室黃氏生子一人四人者皆賢而文其嗣皆繁盛分爲內四房公是爲內四房之祖今距公且五世矣行事莫可得而詳無其概得於故老之習傳者蓋偉丈夫也公爲人慷慨尚義孝友甚篤當父思賢公耄年欲析箸以所貽址前後參分之約

長沙范氏九修宗譜

卷四三 邦俊公傳

正義堂

覆射爲次長公心斬得前址已而公射得之長公不擇公私念易得者田地而重違兄意竟以前址歸長公而自取後址時後址皆灌莽惡襄公曾不惡而身居之庸知累世所鍾至今藩盛者卽曩所灌莽惡壤也豈非以讓而受福者與公理家最善心記然不以鋪錄壘諱爲卽他所弗利公居之輒獲數倍所置產靡匪膏腴常稔阡陌連比故今四房子若

孫山於採井於波野於牧畝于耕大都半公之遺也公雖業農而雅以詩書期後進先是國運初闢文教革劄族民俱以邱園爲事儒風尙缺而未振也公甚憤之謂有作斯興業豐而獨少于文非貽之善也遂倒度業之羨廣田若干畝爲儒業資于是不再傳而子若孫籍博士弟子者勃起若國忠國啟實資聯捷遂斐然爲簪纓之貴矣公初費於熊也故

饒於貲所敬禮公者備隆擬厚結其權心觀將終焉公志曰丈天七尺鷗奈何竊婦貲楮生爲行且不得爲鄉里小兒方幅齒遂一旦謝婦翁攜家歸不數載起家視熊且什伯之其智識宏遠矣故卒能成其業如左卷不夷焉易曰積善之家必有余慶萬石君不言而躬行故其子孫之盛彪炳史冊公行事即公之子苦孫蕃盛苦是則公

善可知夫非苦人之儔與夫非苦人之儔與是宜傳之于譜以詔後世俾百世而下知餘慶之所自也儁余曰觀往牒善作者必不善守近令百餘祀而公所置學田世業如新卽中葉幾頓廢而旋復無恙今固仍其舊云嗚呼公九原之靈豈有以默護之乎然益微裕後之功多矣乃後之繼今者尙猶知所興哉能毋失公之遺意垂之久遠詎不偉歟

長沙范氏九修宗譜

卷五 邦俊公傳

三 正義堂

萬曆戊戌春二月望賜進士第北畿湖廣道  
監察御史宗元侄孫儁撰

邦哲公傳

范公諱邦哲聖清公第五公孫思賢公之長子邦智公之伯兄也娶甘氏篤生四子支分四房後嗣實蕃衍焉公距今二百餘年世遠代進行事多不可考惟二三大端美行老成先輩猶能言其概予生也晚蓋嘗聞之矣素曰仗義疎財有豪挾風且行己端方不趨權不附勢不與世浮沉沖寂自如絕無一毫世

長沙范氏九修宗譜

卷五 邦哲公傳

正義堂

俗態公是時國運初闢儒風尙未振勗習農家業惟竭力以供子職又能撫愛二弟不作爾我凡一切理家諸務公一身任之不厭煩苦故至今以孝友持聞尤不可泯沒者雖身親農事而立志甚遠大效古人出負耒入橫經青灯夜雨好學深思如是者歷有年所然潛德韜光不以此市功名至晚歲益嗜學不倦搜覽群篇神與古俱非豪傑之士而有若

是乎公創書室一所題曰愛月軒書聯於室  
內曰修德承先業積書啟後昆卽此又可想  
見公之立志云公長嗣孔禮由人材選任廣  
東北流縣尉以能幹稱職擢陞迪功郎致仕  
次孔倫次孔杻次孔裕俱賢而文曾孫國奇  
國賢並饜聯鑣譽溢詞林元孫世魁蜚聲泮  
宮兩舉德行累世青七子矜皆公之志所蘊  
積然也夫蘊積也深必其發生也太令公之

九世孫用選卓然自立矯七不羣諸凡事悉  
守公志後當有顯者與又烏知不足以憫公  
九原之靈哉是宜著之于傳俾百世下世世  
子孫聞公之風思公之行而追慕之立志  
遠大咸鼓舞奮發以自激勵于無窮也  
康熙己巳歲季冬月

宗姪孫長倩頓首謹撰

文學素軒公傳

太史公艷稱萬石君津匕不置口以爲齊魯諸儒不逮然緬風其微不過孝友恭不言而躬行如是止耳何至今芬人齒頰赫匕若目前事蓋實行之難如此以我六世祖素軒公方之何多讓焉公稟性忠厚早歲失怙母黃氏矢志柏舟公能以孝養得其懽心待昆季備極友愛每言人生樂事半在家庭嘗題其

長沙范氏九修宗譜

卷十三 素軒公傳

正義堂

柱曰餘慶堂前瑞日祥雲光棣萼長春塔下惠風甘露秀蘭枝樂可知已時明德隆盛治化休明崇尚文教公繼大父邦俊公志銳意詩書構精舍扁曰怡齋借昆季竹林絃誦其中朝夕砥礪弗輟未幾次第樹幟鬻宮而公尤淹貫經史文藻燦麗試輒冠琇士屢舉德行無何竟以數奇不第且授諸嗣以職長廷秦公任賦役嘗爲里胥長值歲大稔舉里中

貧乏者悉代輸罄貲財弗恤次廷享牽車服  
賈綜理家務裕如也次廷詔廷宣俱列弟子  
員以學行見重儒林時昆季雖有士商之別  
勞逸之殊然各任厥事殫厥職絕不私才縷  
一鏹故能相與有成終其身未嘗析簪而廷  
秦廷亨二公又復煥發其子孫若國忠公之  
清風高節國啟公之作人造士俱爲盛世名  
臣厥後先考又膺鸚薦克承祖志至於列膠  
序鼓鍾詞壇者且若而人數世之內弟聯兄  
孫繼祖德業文章炳七琅七嬰皆公積厚流  
光之所致也彼季世之相飭以文相欺以智  
猜嫌疑忌父子昆季之間不免慚德不知皆  
我向者先人所羞見且與史公之稱萬石者  
奚啻霄壤哉公名曰璿素軒其別號也距今  
歿已百數十年矣不肖幼時先考往往稱道  
其事因懼久而失其傳也無以訓諸子若孫



爲著其事于譜第弁鄙不罪實莫可違云已  
已冬六世孫其琛謹誌并書

長沙范氏九修

卷三

素軒公傳

正德堂

誥封文林郎東垣公傳

范公廷綱性至孝年未冠縣長督里役以父  
儒者不應役諸昆季推公公毅然曰先事報  
君任勞代父吾職也束髮加弱冠身理之室  
貧竭力承權故弗克卒業於字意常悒悒課  
諸子期遂顯揚及子儻登第暨仕未常色喜  
位臺諫方數月櫻鱗罷職報聞投箸喜曰子  
能如此吾復何恨其天性忠孝若此公兼片

長沙范氏九修宗譜

卷三

東垣公傳

一 正義堂

言解紛能精書數人靡不讐服談鋒俊警偶  
對多奇句義方不減顏氏家訓傅都憲放太  
史陳侍御咸登堂拜慕焉封文林郎晚尤好  
棋釣植花卉號東垣

丙午解元廣信永豐訓導國子監博士吏部  
司務兵職方寺主事眷晚生陳祐撰

明兩淮都轉運監使司判泰州分司承務郎  
范公傳

大道之失士訛劓齟此樸純殉彼華腴爰  
有獨哲滌跡眾愚如沐彈冠如浴振祛蟬脫  
濁淖北潔瑾瑜九京可作百代用模作范公  
列傳范公名國忠字汝輔瑞州高安人大父  
瓚以學行知名父素有豪俠風嘗舉郡邑中  
轉輸值歲荒重以逋租斲貧者竟爲代償至

傾家財弗顧公蚤歲補學宮弟子員試輒冠  
其曹偶然至大比輒不利會恩選得取充大  
學生復兩就京闈試不利謁選授浙江按察  
經歷稍遷兩淮鹽運判官居可三載所卒公  
夙資穎異自初從諸生業稱博學瞻詞藻超  
絕一時矣大司寇毛公愷時守瑞雅器重之  
召置門下曰生吾洛陽年少也公雖以文章  
負聲稱乎尤尙名節勵操檢內行孝友純至

居常用禮法綱紀其家務羣從之中怡怡斬  
匕如也習公者人人心自引服計公且達必  
當大有振厲而公亦果於自信動稱古人絕  
不與世浮沉雖偃蹇散佚中弗以屑意持初  
服愈堅其事上方官甚不肯倪色伺指上官  
亦相戒此強項吏非如他可頤氣使也心嚴  
憚之不猶陽浮道之在浙臬時有椽掠獄卒  
索賂遺公謂得其狀遽欲白長吏椽惶恐與

其屬叩頭請罪良久乃罷一時諸椽史爲奪  
氣淮大猾曹氏橫甚侵塲地建大宅前後諸  
司無誰何公至即奪毀之併逮治諸不法當  
路爲游說莫能得其不畏強禦俱此類也公  
之遷離司也咸謂離固利藪而公食貧且久  
主者豈肉此厚遺公耶乃公受事未幾卽調  
微三十萬緡入大司農所卻羨且數千金已  
復斥罷屠稅亦千餘金戒常例贖緩一切不

入私橐於是客有問者曰公之髮則短矣家徒四壁立處膏脂不及時自潤誰信者且奈何不少爲子孫計公嘯曰往吾見當世士口誦法先王平居慷慨慕義及至競錐刀爭毫未乃與市井無異心竊鄙之豈忍復效復所爲且吾以清白貽子孫足矣彼飭輿服侈田宅諸爲游間富貴容此吾向者所望而卻走者也矧欲變初心勸國法僥倖得之邪聞者

其苗裔耶何志行之相望也充公之志與公  
家文正所稱先憂者曷異惜發不大施不極  
耳善乎公之爲子孫計也謂富可貽宜莫如  
董石謂貴可貽宜莫如梁實乃其後竟何如  
哉今世鍾鳴鼎食之家未一矜而忽若飄華  
晞露者豈少也詭非蹈厚亡之戒而行自斃  
之術使然耶公節廉自其質卽以天道論之  
有旨哉久而後定者也

萬曆丙申仲冬月長至

子壻陳邦瞻德遠撰

宗姪世善謹書

光祿公前傳

范儁字國士號鴻泉生而穎異爲兒時聽讀古文詞一耳輒記因就章句師師偶以螭吻爲題令破應聲曰立乎棟梁之上沾乎雨露之恩師大奇之曰吾非爾師也亟趨歸就經師下帷力學及試輒冠多士補大學生學使寶巖何公稱爲瑞陽麟鳳隆慶丁卯舉鄉薦萬曆丁丑成進士授義烏縣尹有鄰邑大豪

長沙范氏九修宗譜

卷五 光祿公傳

正義堂

凌其邑長者連起大獄勿決儁至一訊立服所居衙齋如水食惟脫粟有以重金匿茗中饋者覺輒卻之欲罪其人至慚謝尤加意學校建青雲尊經二閣爲諸生肄業之所查復繡湖侵地百餘畝以租贍貧生又經畫一邑之水利或滯或泄民賴允利時天下方度民田邑長多煩擾失經儁與民約僅十條不旬日而事定無尺寸隱漏者咸託以爲神邑之

大姓善連賦其少年好勇弄兵僞一一以義  
勤論安輯之旋膺內召補湖廣道御史風節  
凜然有中貴丐免房租數十間僞托執政爲  
言竟拒之時上以不視朝僞謂治安不可  
狃乃以奉天道防人欲信詔令廣儉德一事  
權僞章奏惜人才斥巧宦養士氣精武職十  
事上踈言甚剴切事載通紀靈紀并從信錄  
併侵中責遂擢上恕三日凡五易旨人無不

爲僞危者僞亦自謂必死恬然待命友人文  
待詔貽以書曰此時當以稿木之心爲心以  
死灰之氣爲氣僞笑而復之曰居安得僞  
以解我吾惟以我之心爲心以我之氣爲氣  
耳人服其度先是慈甯宮災都諫鄒元標上  
踈來下僞併以爲言至是命下各廷杖上盛  
怒漏下三刻起出朝集百官視杖會雷雨大  
作執政力救上意稍解僞得削籍元標謫南



刑部照磨卽日出國門時又有曾健齋上  
言被譴故長安有江西三鳳之稱僦歸杜門  
數十年絕不交通長安一字後臺省力薦疏  
數十上銓部擬補浙江道上以僞元標及諸  
切諫者名書御屏竟不起用老于林壑時論  
惜之僞天性孝友居喪哀毀過情愛友四筵  
所得俸餘悉以分給田屋推其腴華者與第  
自奉粗粝以節儉教人嘗氣談詩文養魚種

長沙范氏九修宗譜

卷三 光祿公傳

三 正義堂

圃以自適所著有蠹餘漫錄歿贈光祿寺少  
卿僦歿五十餘年佳城未卜 康熙壬寅守  
郡楊朝芬館次孫騰雲于署中因捐俸管僦  
葬表其墓

賜進士出身太僕寺卿前任寧國節推陞南  
臺御史光祿太理寺卿

眷侍教內侄朱吾弼撰

光祿公後傳

余以先大人寄蹟陝之漢陰常讀從信錄萬  
厯甲申上方修省靜揖科臣鄒元標道臣范  
雋建言上大怒降調罰俸有差尙未知皆吾  
鄉先達也及父老至爲余言鄒卽吉水南臯  
范卽吾鄉鴻臚兩先達也企慕久之迨甲午  
余叨幾薦戊戌幸一第歸籍與吾姪憲度首  
詢桑梓著述爲誰舉葉子劉因子鄒范子瓊

長沙范氏九修宗譜

卷十五

光祿公傳

正義堂

英惟范子更貧苦亦不輟著述落匕自守雖  
張設隣邑劍江羅太史之家門無應童卽今  
我郡古燕揚太守考筠名臣墓乃祖鴻翁先  
生之忠諫延語羨其博洽命理西席除受聘  
外所獲束修悉營馬鬣衣敝如故則其人可  
知矣余聞急欲物色之劉與鄒卽往會焉瓊  
英次數始晤相對恂匕呐若繼郡侯補保定  
任去余以兒姪挽留領其旨誨風晨日夕車

床抵足悉披蘊藉并得讀鴻翁蠹餘漫錄著述諸稿且知鳩斃帷中之異至受杖之日對文待詔曰我心爲心我氣爲氣此大丈夫綱常交掙世界聖賢眞理學也益慕企不勸焉誦熹廟贈誥知精忠九原未泯閔郡表侯墓信忠貞激勸長存有如此人應有如先生之子若孫非先生德行忠孝能後人不替如此哉古今來功名非品行不傳而品行以忠孝

爲先七生所以必傳也天下功名不皆傳而先生之傳者以著述能久子若孫所以必傳也萬古天厯醫驗神規先生長子世元之著述且中萬歷丙午副榜第一七戰棘闈德行如陳太邱化及鄉郡施藥似董杏林數十餘年梧亭小草先生長孫如玉之著述試輒冠軍崇正癸未廩貢與年翁孝廉亨翁長令尹長翁共相倡和有詩草倡和集彙亟指測先

生次孫瓊英之著述皆在必傳書傳而先生  
忠諫之行久而益彰又歷世所以必傳也年  
翁張瑤山太史服膺諫草謂宣公不是過宜  
與吳文端陳宇升潛虎眼皆筠之光史冊而  
垂季葉知言哉且叙瓊英指測謂爲不媿誠  
不媿也卽青州之翟湛老陝鄴之趙祖光二  
年兄咸嘆賞諸集不置予把玩瓊英備集安  
能釋手不心折歟予嘗以忠孝自誓每聞一

忠孝必反射自勵并以勉我同志冀啟後人  
使予他日得如鄒范二先生之行焉庶幾無  
疚矣并後之子若孫得如二先生之子若孫  
焉庶幾亦可無憾矣因載筆以爲先生之後  
傳

賜進士出身吏部觀政漢中府漢陰縣汪鏞  
珍拜譔

國相公傳

范公國相邦彥公之曾孫廷俸公之子也廷俸公生二子公居長因皆稱曰大翁公狀貌魁偉有幹才躬耕任徭役俾厥裔國材專從事于學遊邑類有文名時吾族鼎盛贊輒相望公豪富仗義任事慷慨爲鄉黨宗族所推重殖產鱗次萬頃族與鄰雀角水利公挺身侃論公庭府太守張公判大泉陂小泉窟破

長沙范氏九修宗譜

卷三

相公傳

一 正義堂

溪三陂據勘委在范相門首已經屯田道詳允准隨便修築捲蔭付炤又判葫蘆陂下二十都喻國五都地界相連眾姓田隨捲蔭不許阻截傳照隆慶三年正月二十九日具載郡案遂悉紛爭後大叅公捐資修塢以時蓄洩里人賴之至今誦大叅公之德與公之力並不朽焉公本支又屬道淵公長房基址舊在里南卜新址里北遂稱新屋蓋自嘉靖中

始遷其處第國材設教河北見沃野可居又徙家焉公爲人質直有古樸風大抵下諱青烏家言然後嗣亦實繁焉公亦人傑也哉  
崇正乙亥仲春

孝廉世嘉題

長沙范氏九修宗譜

卷五

相公傳

二

正義堂

寶案公傳

昔人謂莫爲之前雖盛弗傳莫爲之後雖美弗彰余謂不然不知其前之盛累觀其後之繁盛其前可知不知其後之發皇觀其前之醞釀其後可卜長沙范公世變字寶案奉政大夫廷豪之孫方塘公催之次子世有令德娶文孺人佐以徽順恭懿勩厥內治篤生三子諸孫森列聞其庭訓凜凜自授子若孫一

長沙范氏九修宗譜

卷三 寶公傳

正義堂

組外惟以忠厚二字爲訓其立志裕後已迥然遠矣又聞公生而穎異日誦數千言過目不忘稍長卽曉暢經書大義沉酣典籍鉤元抉奧手不停披所著有四書翼註周易解頤十餘卷因受羸弱而公之兄菁父早逝二親憂之懼以苦學傷羸體祀事靡托公於是曲體親心變身高向朝夕惟子職兢匕迨二親捐館舍公薨匕子立外侮交集同堂操弋此

諸人至難隱忍者公處之順受不校恬如也  
人咸以公比之婁師德之雅度黃叔度之器  
量焉公素曰愛人以德聞族人行善輒鼓掌  
懽悅儼若身受絕無爾我形骸胸次磊磊落  
匕光風霽月卽家計頗窘取與介然時往縣  
有里胥遺國賦數十金公拾而悉還之人曰  
裴君還帶馮君還 足以媿美矣公遜謝  
亦無德色聞者莫不嘆服且以此推公之澤

其流必遠也公享年八十壽終之時無他囑  
唯曰若輩讀書做好吾目瞑已書所謂攸好  
德考終令者殆謂是乎公長嗣應斗字樞甫  
列弟子員食餼邑文行兼優名噪都邑七戰  
棘闈未獲一第比將巖薦竟以賦白玉樓去  
然其恬靜寡營與物無競至今士論稱之次  
嗣應暘字德邑邑增廣生門下受業者不下  
數十人晚與宮牆親承道範端嚴方正咸稱



爲理學名儒屢試棘闈幾得復失有源社諸  
刻一時士子群奉爲宗盟幼銅應昭安貧樂  
道恪守清白亦傭中之佼也者長孫體道字  
南矣邑增廣生樞甫公出季孫長倩字大年  
名冠學宮德光師出曾孫龍文瑰璋不凡蜚  
聲黌序貌文美秀而文能世其業長倩出余  
不敏佩服公教有年荷公季孫長倩不棄世  
誼締講媿姪因得登公堂接公嗣也後裔或

玉高惟樹志欲凌雲或蘭苗其芽含芳欲吐  
其蘊積也久故其發達也長其繁盛也遠必  
其積累也深余生也晚不能殫述公盛德僅  
以余所習聞者著於傳以下公之慶澤久長  
云論曰忠厚者立身之本裕後之源也公素  
守忠厚而訓誨後嗣仍諱也忠厚二字貽  
之可謂培其本源矣今世德相承子若孫尚  
多起而紹承之者其啟後之功何如耶夫古

來士大夫衆矣當時則榮沒則已焉公雖以  
布衣至老膾炙人口且令緒繩乚聯翩繼起  
又獨非忠厚之報使然邪昔公之遠祖文正  
公作嚴先生祠堂歌曰雲山蒼乚江水決乚  
先生之風山高水長余竊取之聊以爲公贈  
云

眷門孫胡從順頓首謹撰

康熙己巳歲仲冬月

長沙范氏九修宗譜

卷五

相公傳

四

正義堂

不肖孫豹文頓首百拜謹書

文学文台公傳

伯孫仁謹撰

公諱志誠號文台又曰文翁廷佐公之孫國  
總公之子也幼失怙賴母氏艾朝夕教育及  
叔氏文學國佩公訓迪之以成學業壯歲補  
弟子員五戰棘闈弗捷遂斥去八股業惟杜  
門著述而已娶王氏時家貧僅居斗室中寒  
苦布緣數米爲炊阻葵泛菊興味悠然旣而  
王孺人以勤苦握家務伯子錦陽委身任耕

長沙范氏九修宗譜

卷五

文學文台

正統堂

賈自是家日以饒得漸豐  
錢穀俱紀其成報於外  
冠至耄耋專嗜古文詞常有讀盡天下  
之志所耽玩者司公遍鑑及性理大書  
諸書而三蘇文尤手錄於吟誦弗厭  
藝術外篇皆能披其扃奧而終不謂然  
民生在勤勤則不匱若專嗜星卜形家  
有農慵士懶仰天痴盼者矣公事親最孝國

總公早逝返哺未遂泪滴啼烏艾母病歷諸  
醫勿効公夜半向星叩額願以身代明日而  
母病頓痊公治家嚴整嘗云凡人子第秀異  
必出人有度乃佳若無羈之馬牽縮不隨雖  
骨體美懿何益哉故子第有談論輕纓衣冠  
華侈者必正色斥之先是公以貧故不能成  
伯子於各使詣植家人產及課叔氏此又漫  
浪棄居諸不能稱公意迨不肖稍長公乃命

錦陽公勒篇限不肖吟誦特橫一几置室在  
下公端坐几旁訓課弗休晨起挾冊趨芸窗  
就塾師授章句暮歸則必稽畫之所誦有無  
記錦陽公必石竹橫鞭大母王孺人每見而  
憐之而公終勿救歎曰愛而勿勞何謂愛吾  
亦不思爾大富貴但得曳裙持卷飛華岸璧  
足矣既而猶及見仁餼諸生喜曰吾無他求  
也公初爲諸生時雖貧然強志正節矯然清

所其晰義利甚澄澈不肯以錙粒非義千人  
初公與侍御公未第時自總角至壯同硯席  
相得歡甚又與憲副公同補弟子員既而二  
公前後聯翩去一爲義烏令一爲維揚司里  
巷族戚無勿往干其澤者公獨勿往人問其  
故公曰吾高卧北窗焚香讀書自有樂處何  
事爾足走交戟堂陞醜顏作彈鋏歌無魚態  
乎維古人有言曰與人者常驕人受人者常

畏人吾策此審矣既而侍御公以伏蒲歸田  
結耆英之社群奉公爲典型蓋欣其高尚也  
公軀貌魁偉凝重年少就試棘闈姑布子有  
疑爲公輔器者矣迨年七十餘持鬚理鬢霜  
雪呈姿猶儼然丈夫也每披鶴氅戴烏角巾  
偶坐堂中假寐適有鬻褐者自門外相覷疑  
爲神像及迫視之公瞠目問曰爾何爲者其  
人章駭而卻行數步嘆曰世固有異人如此

哉公嚴於取友所交必里邑名俊其宗族先  
達茂才明經及駟七佳公子輩每見公必肅  
然起敬時時促膝啜茗惟論奇文晰疑義即  
歲時伏臘之敬亦抗言談論往昔而已雖坐  
花醉月而語不及亂然不以理學自名而性  
與道合每與諸名儁標義送難竟使朱陸奇  
圃霜融粉散公平居婚冠喪祭俱無滌略大  
約倣紫陽家禮而簡易出之但見秩七肅雍

而不病其回冗繁曲公性多巧思卽笙竿小  
投亦洞晰精妙初爲快婿時客王大母家偶  
見孤桐凝翠手擘爲琴掣作工雅每當山月  
初上橫琴石際撫弦勤操能引飛鳥徘徊翩  
翩鳴和作詩文多蒼峭必根忠孝仁義爲言  
落筆則喜研聲調續之如奏鳧鐘龍笛或清  
或洪觸境寫情各從其實餓而曰壯夫不爲  
也故皆不存稿所存者惟泉閣倡和詩序至

今猶古艷炤人公於書無所不續然器識淵  
沉不以浮榮耀物學本宏博而自謂凡才質  
本恢奇而恒虞福薄每作事必兢兢戒懼如  
啣膽棲水嘗曰吾豈畏人哉滿則天概之吾  
惧天之槩我也先是大母王孺人于歸時范  
氏之與公同爲諸生者僅十餘人不越二十  
年間大母見大叅憲副侍御諸公聯翩成進  
士釋蘿龔組纓轂稠疊大母笑謂曰丈夫不

當如是耶公曰人苦不知足吾向作諸生時  
與爾居斗室中半菽不飽今幸可種黍灌蔬  
蒔籬編竹旦曉讀書小樓上看好山無數吾  
不出戶庭在霞霄矣且世有進士則必有退  
士夫士一也退則結茅屋于雲邊進則步玉  
堂於天上吾姑爲其退者但使書種不斷俟  
後人爲其進者不亦可乎王大母笑曰有是  
哉而且行而志吾爲君孫大子其門閭令可

容高盡車公生於嘉靖庚子其與宗族各俊  
賦詩泉閣年方十九宗族諸公奇其宏麗廷  
佐公亦嘆曰此子他時福不可量大母王氏  
才而賢年七十三先逝公享年至八十三始  
子二應晁應兆晁錦陽逸士卽仁之先大  
人也女二長適黃次適劉男孫三曾孫七爲  
庠生者三人一中辛酉亞魁名鳳來仲孫體  
義次子女孫三曾女孫八元孫男廿五人其  
伯孫卽體仁崇正己巳恩選初授廣西太平  
府叅軍後陞四川叙州府長令縣以丁艱未  
履任後遂抗志衡門綜採篇翰自命爲桃源  
仙尹又曰泉閣主人



學博文沙公傳載邑誌

范公諱世芸字陽華號文沙長沙里人幼具  
至性秀雅異羣兒稍長嗜讀每至丙夜不休  
經史繼之淹貫而動以古人自期司馬陳邦  
瞻宗伯敖文正早以學問相友而見解強記  
每推讓世芸及二公鼎貴每揚摧古今經世  
之務則就正於藝匕直諒自如終其身無交  
利囑予之私士論高之以貢謁選授廣東始  
興訓導造士有蘇湖之風尋解歸生緒蕭然  
哦咏不輟藝之才學識雅優著述不欲以言  
論增風波而欲踐履歸貫地故筠士論君子  
儒者必首推焉

文學曰馭公傳

公諱世羲字曰馭大參公季子憲副公之弟  
天姿英敏不羣雖生長華胄無貴倨態髮未  
燥採芹泮水旋食餼屢冠多士舉德行尤加  
意作人一時賢俊半屬門墻時甲第蟬聯後  
公自擬科名拾芥奈時命不猶九試棘闈兩  
中副車不遇晚年陶情麴蘖縱欲高歌每藉  
是以澆其磊塊云子應運美丰姿有才藻與

長沙范氏九修宗譜

卷十一 日馭公傳

一 正義堂

先考同遊泮言若蘭蒞心同琴瑟稱莫逆交  
惜未遇而卒噫劉蕢下第伯道無兒天之報  
施善人何其爽耶

宗姪孫其琛拜撰

明經衡公傳

公諱志尹字字衡祖累贈奉政公父文學國  
僭公時伯父大叅公同年督學豫章或勸公  
假刺卽可遊泮公竟拒之逾年補邑弟子員  
慨世儒浮靡尙理學宗王龍溪先生良知之  
旨爲文奧窔有深思好聞註疏微年不襲人  
牙後慧尤善古文詞神氣豪上政如彌正平  
解衣擿鼓時晚膺明經選不仕教授生徒講

長沙范氏九修宗譜

卷三

字衡公傳

一

正義堂

學不倦傳經者履滿戶外嘗題其齋陽春處  
日滴露研硃朝默易典衣沽酒夜評文卽此  
可想公之安貧樂道矣

宗姪孫其琛拜撰

心一公傳

不肖會孫用銓敬刊

余以隣嫻青宇宋先達得交范社兄文沙一  
旦過筠城於旅寓得邁范心翁邂逅間晤若  
夙契不啻傾蓋古人也嗣是濶衷此懷常耿  
匕不忘崇正庚午公車北上辛未叨附翰苑  
二年始以養親歸詢翁起居咸對已作古人  
余嘆駒駛電光幽明之中棄此良友悼憶火  
之迨二十七年次第大俊憚儒林中優者爲

長沙范氏九修宗譜

卷十一

心一公傳

正義堂

兒侄範乃得公叔卽騰雲晉接之日如見故  
人遲數日以行狀爲示予予思昔邂逅時猶  
昨夕也亟成其傳少謝知己公字統之號心  
一世元其諱也爲光祿鴻翁先生之長子六  
齡時席內艱毀瘁交集每節朔號呼不置雖  
童稚若古聞雷泣墓者然此其天懷擊性也  
翁登二旬鴻翁先生乃舉次子墮見翁子立  
銳志揣摩儼景君明經歲不出戶庭者合其

閔適翁篝灯藏影墨帳匿聲上不忤志下奮  
成立猶人所難者及鶚集懷音之後試輒立  
幟見知於周季郡侯則曰品如玉潤筆若游  
龍真五陵翩翩佳公子也見知於黃貞父先  
生則曰文陣霞起而建標字湧飛流而戒道  
擲地作金石聲何讓孫興公耶七戰棘鋒以  
丙午判中三塲一字之諱中副榜第一丁未  
鴻翁先生以是年不祿翁初顛天求代及讀

禮骨瘠不讓和嶠死孝鴻翁所未竟緒翁悉  
能紹述焉卽後誥贈非翁幾虛受恩典矣至  
於方正革俗化人以德人畏其知則陳太邱  
也端和率士接友以誠羣奉其訓則郭林宗  
也汪七千頃之量則黃叔度也談塵超七元  
箸則謝幼安也擁書萬卷不假南面百城則  
鄴侯三萬六千也至如楷法鐘王草遵顏柳  
琴斷天風海潮之制棋續金鵬變局圖章跨

漢晉尺矩合測影三式精矣定萬古天歷一  
百簡矣集醫驗神規堪輿日者之學卜筮種  
植之書甯戚飯牛之經孫良相馬之法易牙  
調和之品抱樸化丹之術草木魚虫之譜素  
女問荅之卷靡不淹貫博洽晚歲染習鑿齒  
之艱故未大揚其志然孟郎文郁弱冠履環  
橋仲德章蜚英騰懋稟貢首冠梧亭小草比  
於洛陽紙貴叔瓊英能讀父書卽西席余家

者季德馨愉也儒雅聞諸孫亦不讓王謝家  
子弟翁垂裕後昆真不愧鴻翁先生矣尤足  
傳者一經品題果稱佳士獎譽俊秀近在宗  
坊諸年少名流銖也丕寒咸共見矣如鹽邑  
胡氏之北山戴之九元放之李環漢喻之晏  
揚勲呢見決各位之高下如余筠城傾蓋卽  
指曰台兄玉堂金馬中人慎勿自襲余雖幸  
不負翁語但翁何以能持左券如是耶憶翁

之鑒高於月旦表公之行燦若日星訶非腴  
慕留傳紀真期藏翁之家譜以待國史實錄  
免播其芳名  
眷弟羅大任謹撰

長沙范氏九修宗譜

卷三

心一公傳

四

正義堂

孝廉嘉賓公傳

孝廉公范諱世嘉字嘉賓號亨者文學國梁  
公之子公生而穎異十歲能屬文里中人以  
神童目之及長倜儻有志每爲文簡古純粹  
抉理奧不事華鉛能自成一家雖時爭尙麗  
藻靡曼弗顧也弱冠爲人師傅不數年而從  
遊者曰益衆坐臯比談易兀埤靡匕善于訓  
迪其言煦煦多方喻引開曉所至無貴賤賢

長沙范氏九修宗譜

卷三 嘉賓公傳

一 正義堂

不肖皆樂從有許魯齋之風邑難陳公拔置  
前矛補第子員崇正癸酉與門人王明德同  
領鄉薦公出劍邑令謝公龍文之門謝公初  
得公卷稱特解冠場甚嘆賞卽知爲鳳舉者  
宿延至衙署設融帳且令年必同榜者愛經  
焉其見知如此甲戌禮闈門人聯蜚獲雋而  
公七藝入彀以後場見抑惜哉後再上公車  
弗第未幾烽煙遍警公遂林泉自適矣公素



性樸雅雖登賢書鶉衣蔬食絕不作膏粱文  
繡態且遇事慙直不畏強禦居鄉黨無細大  
事片言輒釋至公庭議論侃侃胥吏爲之斂  
手至末年日與如玉應旅體仁諸姪吟詠唱  
和或時與後進講經史有執經問難者與之  
語津津不倦好學造士其蓋天性云子二長  
金式次金丸公得次子最晚自知下帷能詔  
詩禮孫四人俱有美質

宗從孫鳳來頓首謹撰

文學學也公傳

諱公諱世祿字學也九峯公諱國襄之季子九峯公晚年舉公公自幼俊慧爲兒時不好弄六歲就塾師便好書籍欣然忘歸占對屬文詞便有驚人語九峯公撫而愛之未幾九峰公以耄耄厭世而公年方舞勺哀毀有至性長而嗜學不厭日誦千萬言一月數行俱下丙夜書聲琅玕鷄鳴風雨不輟攻苦下帷

長沙范氏九修宗譜

卷七

文學公傳

一

正義堂

如是者數年里中人有書滌之目甲子補博士弟子員家貧爲人傳道範岳立至說經媿七應問難不窮議論風生聞者爲之解頤後開絳帳於筠之尊道書院中士爭從之遊每督學案試歌采藻樹赤幟者翩翩多門下士一時邑內子衿半屬公門桃李公平生硯田爲歲不事事人產業自修費束帛餽報諸物無歲不豐人咸美其勝於逢年之獲即公

婚聘諸大禮皆稽古力也公博覽群書穎敏  
異人爲文有倚馬才試輒優錄壓倒元白屢  
進棘闈厄於一第性友愛念二昆貧窶析箸  
時將所應受產盡遜二昆不以己貧爲念尤  
樂應酬重聲氣館筇日賓朋往來如織倒屣  
不憚煩往匕日無停晷靜夜篝燈讀書課未  
嘗曠一事綱繹吟哦達曙其精力過人類如  
此公素慷慨任事見有吏胥侵漁漕稅公賦

無半畝挺身庭議人咸讓之公曰使吾得立  
朝任天下事亦如是矣公以遠大自期人亦  
以遠大期公賚志而終竟老牖下十論惜之  
享年四十有七公娶清江楊氏有淑德生三  
子長應卜次應怡能世儒業季應愉孫體交  
事親有孝各應卜出曾孫二人幼有充闕慶  
仁者必有後信哉

時

皇清康熙己巳歲仲冬月

穀旦

姪孫長倩頓首謹撰并書

長沙范氏九修宗譜

卷五

文學公傳

三

正義堂

逸士錦陽公傳

不孝男體仁謹撰

大人諱應晁字錦陽文學志誠公之長子也  
弟應兆母王氏志誠公號文台曰文翁自  
高曾以來代有聞人文翁早歲列弟子員五  
試棘闈弗第退隱閔扉揚挖今古大人孝友  
恭恪幼即嗜詩書若渴大父止之曰吾貧不  
能成爾於名盍耕且商乎大人曰何可當吾  
世而失聞人大父曰無已則姑待而子若孫  
大人不敢違卽身督童僕課耕獲事濡旱洩  
潦不辭瘁服卽拉隣里之質樸者相與權子  
母與貿易甚至月店霜帆煨芋寫飽拮据家  
務而家日益以饒乃手置室廬疇壤泉池蔬  
圃錢谷盈餘盡歸之大父後與叔氏兆析箸  
而平其牙未嘗誇己之勞也大人古貌無狎  
態家人婦子咸凜匕畏其嚴里中狂狻非類  
輩絕不與同一坐語至其事大父母備極承

顏愉養之忱衣則時時市輕煖者以進食則時時採其所嗜當大父母前後誕日則必多設酒殽邀戚里賓朋集於外諸母姑妯集於內相與稱觴迭飲爲十日歡卽平居饗殮必備極甘旨或手酌菊桂酒及蒙頂紫茵必低婉頤氣以亟色笑時匕問其安否大父母少以勤苦致疾老弗能餐又性不嗜肉大人頻煎美飴斫雞炙魚脯以順適之冀一當意

則喜否則涕泪暗墮大父年七十餘忽夜半不能語大人遶榻長號懇醫禱祠無弗至大父甦大人竟眠其側者十餘年親浣廁齋中裙無一夕離者大父母前後逝曰大人無勿哭號躄踊哀毀骨立前後赴喪葬弔唁者千餘人無勿感慟大人德義素著里有紛難人多方排解勿聽必得大人片言乃服族有剗構衆鳩金數十年必篋而藏之於大人迨興

役則倒篋而出之鎔銖不爽人以此服其公  
七性豪朗仗義踈財弱冠卽能爲孀姊之居  
黃氏者覈楚業于數千里外積粟千餘斛以  
貸鄰里貧乏未嘗厚其息至不能酬者悉焚  
其券族豎始祖祠房豎支祖祠及里中環甃  
當戶之井大人所出費皆十倍於他人然未  
嘗沾七自喜先是大父貧曰不欲大人習舉  
子業迨不肖稍長大父指而言曰余嘗謂不  
可使再世無聞人今孺子可教也大人於是  
爲課不肖十年霜雨霞日弗倦更別置文田  
若干以授不肖曰使余藉此以爲篇策贊可  
使筆楮盈于泉海也不肖亦竟以此刻鐫藝  
苑行於世自列弟子員以至恩選其間前後  
受知於名鄉鉅公每試必冠軍者弗可勝數  
大父猶及見餼諸生時喜曰吾無他求也惟  
大人望不肖以一第甚亟旣而七試棘闈弗

第屢收乙榜復棄大人促不肖赴銓部試不  
肖赤手囊筆硯行辛已勞受粵幕壬午入覲  
遼道省親寇兵梗道癸未始得覲天子上十  
書言時事司奏孟兆祥甚奇之時留中不報  
僅賜勅復任八月捧檄附錦衣舟歸至秣陵  
上河得家報知大人與母氏相繼逝矣嗚呼  
痛哉初不肖參軍西粵竭所受知名卿鉅公  
無勿垂淚嘆惋迨入覲旅寓維揚先以憶書

長沙范氏九修宗譜

卷五

歸陽公傳

四 正義堂

請政於方伯陸公筠修公賜手書稱爲元圃  
積玉無非夜光但叩闈非易姑待其時噫不  
肖早知二尊人竟舍我而逝也則泛綠水依  
芙蓉何所用之而彤廷敷奏又何爲哉乙酉  
報陞四川長合縣令爾時抱恨風木未種潘  
桃不肖竟以蓬門睡隱老矣是使我大人幽  
懷湮鬱夜壑長吁嗚呼痛哉先是大人存日  
里邑之縉紳先生賢豪長者無勿羨大人爲



渾金璞玉法當貴且壽者童時大叅公一見  
奇之曰非文翁不能有此兒也暮齡年德愈  
茂侍御之伯子元每把卮啜茗輒嘆曰吾兒  
不及若兒也郡戎侯楊公大名駐寫里巷薄  
暮籠紗步月過不肖促膝夜話邀大人與語  
大人固辭戎侯歡曰名可得聞不可得見高  
士也俟他日受彩誥團花固當不復相拒乎  
禮主政陶公聖洋專刺竭大人于長安旅室

固請乃見陶公退而語不肖曰尊公端凝沉  
重自非蓬葦中人定須見兄捧龍章拜膝下  
也噫孰謂竟如此而逝乎大人襟懷秀遠嘉  
行不勝述獨是敦孝友好詩書一念頃刻不  
能釋諸胸少與叔氏填簾和鳴霜鬢藹如每  
拈大父大母之遺書栝棊輒爲孺子泣卧榻  
則爲設疏布被枕木枕長尺勿換曰此吾文  
翁貧時所枕吾終身不敢忘也其至性若此

病時無他語惟請匕歎曰惜吾兒體仁竟不能博一第猶幸受知於名卿鉅公勿勝數或可不愧先世聞人乎吾籍此可報吾文翁與吾母於地下矣言訖泣下既復頷諸孫語之曰爾輩毋忘孝友詩書云耳

文學虞卿公傳

范公應臯字虞卿長沙里人文學世苦公之幼子先世家學相承累葉縫掖至世苦公書蓋懋侍御鴻臚公延爲長公師蓋士林翹楚也生虞卿公有夙慧天才秀拔益好學諸生聲名藉甚讀書日記數萬言博極羣書尤耽玩淮南鷓冠南華太元諸子爲文雄渾奇崛閱肆縱橫不作耳目間近玩嘗訓後進曰文

長沙范氏九修宗譜

卷五

虞卿公傳

一

正義堂

心如剝蕉層進疊思乃得佳致故雖風簷寸晷中出一菟卽離奇光怪不可遏抑入泮甫考卽食廩餼試輒辟易萬人受知文宗首選者數人如黃公元會陶公承謨陳公懋德侯公廣成郭公天門皆嘆國士無雙儼若登詞壇合一軍皆驚受知郡侯首拔者指不勝屈如徐公登瀛陳公從教史公躬慎劉公國庠皆謂文中麟鳳不啻莫邪于將盡識寶氣連

牛其時太守馬公延居衙齋西席令嗣公執  
費修弟子禮受業公門以異數相寵入則禮  
賢下榻出則絳紗連騎意指顧搏扶搖拾青  
紫也惜數奇未第復以避兵致疾適母病踈  
神自代賚志而沒且時近歲薦竟爾天奪之  
筭聞者莫不爲公惜焉公素雅意作人族英  
雋由公知名者不少親姪體初少好學公教  
育之猶己子遊邑庠公生子一體徐能承義

長沙范氏九修宗譜

卷三 虞淵公傳

二 正義堂

方孫八人所爲大其報於後者其在斯乎

皇清康熙己巳歲仲冬月

穀日

侄孫長倩頓首謹撰并書

明經德章公傳

范德章方三日洗兒時父寵之抱見於侍御  
鴻翁側公摩其頂曰自是科第中人斷非風  
塵外物菁月外祖辰沅道陳諱一理先生來  
視亦曰藍田姜玉也遂名鳴玉長而以如玉  
名氣宇霞軒襟懷朗暢應童子試奪前茅於  
陳宰拙元之門采藻前厠三名則貞甫黃先  
生所刮目也嗣是懋德陳廣成侯天門郭三

長沙范氏九修宗譜

卷三 德章公傳

一 正義堂

文宗皆取首冠詞則韓柳賦則潘陸每一藝  
出羣相傳播或隻字輒令人思數日邛之皆  
有所本如楊雄方言奇字之類其所著述甚  
富時與叔孝廉嘉翁長令尹長卿詩韻唱和  
又四體諸品皆精能化其筆墨獨出體裁各  
重當時至今後人寶之六戰棘園晚苦目疾  
以稟貢登進歲士常慕米顛之爲人故自號  
拜石即名傳于錦江大社後與毛子天翊劉

子遠孝主盟別社及試稿有梧亭小草八廣  
行於世余不揣謬序數語其詞賦詩文集  
尙家藏未鏤且過楚訪熊太守於試卷內特  
拔車孝則指爲木天中人以後果應其言如孝  
則當日亦奉爲師表云

劍西孝廉侍教翁金星撰

文學博萬公傳

伯父諱應鵬字搏萬巖使公嫡孫先考廉公仲兄也天性友愛方髫年美食華衣卽推以予先考曰吾性甘粗糲及長昆季相師友瑱簾倡和承歡膝下質甚鈍下幃攻苦常百倍其功人有諂其鈍者伯父約以三年各抒所得後敏者皆遜勿及竟以魯得之屢蹶童子科九試始青其衿酷嗜古書好爲詩歌古文

隨樵者行怡然自得詩文益奇兩京之雄輿  
六倬之艷藻無不受部落驅走筆端所著有  
午橋詩草蠹餘語錄十餘卷同其名於南陔  
白華矣嗚呼伯父非窮愁不能著書以自見  
於後世雖一時困阨而立德立言俎豆不祧  
能使頑廉懦立有功於名教豈淺哉

不肖姪其琛謹識



少文先生傳

先生諱應儉字少文國蚌公之嫡孫而世指公之長子也幼習舉子業博覽羣籍淹貫百家爲一時所推轂世指公雄于貴昆季實繁不思外禦專爲內難公憂幽積憤竟以身殉先生痛父早世衣泪常赤遽得疾弗耐攻苦遂棄舉子業靜念惟移孝事祖友愛諸弟庶盡消埃故奉國輝公定省加嚴溫清加瑟肥甘輕煖罔弗加虔先意承志人無間言撫育幼弟暨諸弟成立悉出所有推讓析箸古有婢僕取老者謂與共事火器物取敝者謂有手澤存田土取堯瘠者謂是所先得世每艷稱之先生何多讓焉不意惠廸爽吉族有不軌侵漁鄉曲當事謂先生族督勿克訓飭戒戢以重法相繩先生抗情伸雪不以身染汚泥并不以餘波累及無辜或有以曩時內難

爲言謂宜假手以酌風鑑以濟艱危先生曰  
牽牛蹊田而奪之牛在他入且不可矧骨肉  
乎吾弗忍爲况先人有遺俞報應自天勿以  
爲恨吾敢故違哉言者漸而退然粒糶絲粟  
蕩然無餘先生百計經營人棄我取勿憚勤  
劬漸次完復且後嗣亦實能克承前業矣性  
樂施與家無擔石遇艱連無告者勿吝解推  
先是雖棄舉子業未嘗盡廢繙閱間以餘力

研精岐黃遵斜嗣伯陳立興諸先輩家法以  
術周恤隣里凡抱病貧勿能致醫藥者輒携  
啖咀診視而湯餌之必痊愈乃已弗責報也  
全活不可勝計迄今鄰里猶能稱道之甚者  
尹祝之名播遐邇通致抱金叩請者趾相錯先  
生曰非吾志也擯弗與通生平最喜陶淑聞  
書聲必促細步聽偶有訛謬必訂正而開諭  
之值文衡校士必偏索試藝揚励而獎與之

及聞遊膠庠受稟餼歲薦鹿鳴必歡匕色喜  
不啻身膺顯榮鼓舞來學蓋老彌篤云至解  
大紛排大難不惜傾囊倒篋以身爲魯仲連  
猶餘事耳然必情理兩協稍滋偏私縱私以  
厚儀斷不爲也享年八十有四蘭芽桂苗盈  
膝點頷修德之報正未有艾國學士驥先生  
冢孫也於余次侄爲內兄偕諸賢達董修家  
譜走狀責傳於余余適患目疾因笑曰間道  
於有良非虛語固辭勿獲雲翳稍霽謹略序  
所聞藉垂不朽

眷晚生陳守奎頓首拜謹

廣文范公建山傳

廣文公范諱應詔字君求號建山長沙高安人聖清公十一代孫世思公之子公天姿高朗矯屹不群早歲能自力學偕族英彥共切舉子業讀書過目成誦終身不能忘爲文浩翰下筆動千餘言試輒樹幟庠甲子文宗侯公嗣曾歲校士首拔族應臯拔公第二食邑餼先是志尹世羲科試同日冠兩庠多士至

長沙范氏九修宗譜

卷三

廣文公傳

二 正義堂

是公等聯翩列前茅人爭羨焉維時吾族文學士不下四十餘人下幃丙夜呶唔聲相聞於境赴試趾相錯於道其間才名傑出菽苑者肩相望於邑也以故公際其盛未聞負笈橫經而攻金斷玉之利往往得之昆季竹林間公爲學博聞強記善虛衷集眾益每進棘闈輒慷慨自負暨甲午偕男體斐尙同遊場屋以數奇弗第順治己亥歲薦廷試授廣文

至康熙丙辰任廣信鉛山訓導時鄰省閩楚  
初平戎馬蹂躪宇宮公甫至署召輯諸生勵  
學業方以作養人才爲事未幾解歸公夙事  
母盡孝左右色養無違自幼弱冠室配後諄  
匕孺慕如一日館穀於外凡被服飲食玩好  
物苟可愜母心力能及者皆聚以歸居家事  
有拂怒見母則愉匕然形于面曰吾惧以觸  
吾母也讀書則私自奮曰吾何以慰吾母也

雖歿後與人語稱及母卽依依然如膝下聲  
噫公之孝幾匕乎始老而猶慕者矣公居鄉  
性剛毅遇事蹇謬無依阿處儕伍英氣咄匕  
逼人有幹濟才能禦外侮里中無不憚其豐  
裁巖峻中年失長嗣末年課幼子益朋繼書  
聲戊午亦補弟子員高年八十有二而卒孫  
二昌裔昌嗣俱體斐生次孫昌裔繼益朋後  
曾孫五人

時

皇清康熙己巳冬十一月

穀旦

姪麟來頓首拜撰

長沙范氏九修宗譜

卷三

廣文公傳

二

正義堂

芝生公傳

范公應庭字芝生封文林郎東垣公之曾孫世啓公之伯子也幼讀書值先人席豐履盛後棄章句操奇贏自適智計出入往來所億輒中辛未世啓公見背公執喪事盡禮公天惟篤孝友母早逝至是繼母在惟公事母委曲盡道常曰吾未及奉養吾父有母在堂尚賴以報吾父也先意承志甘旨視膳外恐母

意有未愜腴擇產數十畝俾母收其入以供不時之需以故得歡心無間言而全令節以終其身尤友愛二弟寬和有度量季弟早世孤子幼公鞠之己如所生飲食教誨近成立室配析箸取應承產業畢還之迄今子若孫蒙業而安者實公爲之父也公雖饒家計然輕財好施與諸族戚屬視若同體緩急無弗周未嘗有市德之色常鄙世俗婚聘納徵幣

競華侈公於諸女未嘗一受多儀及待諸子  
壻不以寒素相輕軫恤周至咸予以殷裕公  
用情每過於厚往往如此且遇事力排紛糾  
見義勇爲鄉鄰賴之公處世正色不阿先是  
族有強暴者公正言仗義竟爲所執欲害公  
贖歸後強暴事敗沒產入官令族長鬻其產  
又波累公家貲由此遂廢公素有才略經數  
年後卜築經營而廣厦沃壤遠勝前業訓長

嗣一經以廸後人諸子皆卓然自立羣孫羅  
列膝下晚年含飴弄曾孫自娛享年八十有  
四公福德蓋並茂焉

侄孫鳳來頓首拜譔  
不肖孫用駭涕泣書



量之所致向使量長較知鼠牙雀角縱鞏帶  
是錫其於元氣已損又安能食種德之報繁  
其後嗣如是哉大抵公生平孝友其性也韜  
晦其心也幹濟艱難其才也故處憂患而能  
亨若此易曰謙匕君子卑以自牧公之謂歟  
宗姪其拜譔

處士君弼公傳

公諱應輔字君弼大父國涵父世杞母張氏  
公爲人謙卑巽順雅量過人有妻師德風世  
杞公捐館舍時公尙未十齡孑然獨立母子  
相依爲命時有強項者睥睨產欲得公而甘  
心焉公雖單弱多智慧能明哲以保其身每  
過橫逆母輒匿公或旬日彌月不出俟其氛  
稍平母攜公跪謝始免然家財罄珥雖攘奪

無遺而公竟置之度外不往公庭一懇乃未  
幾而向之害公者消歸無有公始獲安公幼  
嘗事舉子業因家計日窘於是棄帖括而就  
末務牽車服牽賈數年殫貨殖之饒鼎新厥  
第凡前人未竟之事公靡不繼而成之晚甘  
恬退嘗曰知足不辱知止不殆且義方教子  
長嗣體瑤能體父志角卯遊穎次璣次琦亦  
惠中秀外孫男四人俱岐嶷不凡要皆公雅

文林郎長卿公傳

范公諱體仁字元度號長卿爲文台公之伯孫錦陽公之冢子也公生而清癯寒峭眉宇秀惠爲兒時不好嬉甫能行觀壁上墨幅折香枝架字畫倣之文臺公見而奇愛焉稍長癖嗜書初婚取簪器購古今奇書及諸名家文坐卧一室自刪選吟誦髻齡操觚作制舉藝就正於侍御長公世元長公駭曰年少能

奇蔚若此乎昔蘇子瞻云吾文如萬斛珠泉隨地湧出子文足以當之後來領袖吾筠者必在子也命伯子如玉與同硯席者十七年公生平學業侍御長公嘉與之力居多丁巳入黷官庚申督學魏公試筠拔四學第一倍賜金花雲錦寵冠諸生評其文曰才力議論凌駕一世文義許難不得不傾服四座自是每試必冠軍如受之于廣陵張公京元當測

陸公之祺金華樓公一堂皆目以國士凡所見知無不以金馬玉堂相期許僖宗登極選士維時署篆黃公景星夙知公名欲置首選及揭榜第二黃公爲之於悒不快崇正收元奉詔天下選士蔡公懋德焚香誓必德真才碩學一切竿牘弗受筠邑乃得首拔公其同榜皆江右名隽冠榜者陳公際泰揭公重熙皆天下士也時公與齊名庚午中副車辛未

就南雍大司成姜公曰廣晉公紹令試雍首拔二次有二酉爲胸五花爲腕之評時錦陽公亦在京寓鷄山不耐久促歸庚辰以家貧親老赴銓部授粵西參軍謁姜管二太師皆把袂垂涕扼腕者久之辛巳八月抵家赴任太平郡侯李公郁於文學吏治中以異數相寵有收徐庾于幕中之嘆公生平志雖未大售而文章聲價取重於名鄉鉅公在在然也

壬午八月奉命入覲便道省親不數日發舟至維揚兵寇梗道向所受知陸之祺適赴秦中方伯任同徘徊旅館公出叩闈億書求政覽畢答云昨讀撰著無論評議皆可施行即學問之該博文章之華贍真所謂元圃積玉無非夜光復爲序鳧公寫閉編癸未春淮撫史公視兵陵廣公上書三篇史公納之五月就覲伏闕上億書十事隨西華門投揭數十

本如蔣閣部八公吳給諫麟徵皆改容禮焉侯旨至八月不報捧勅復任十一月底白門上河接家報知考妣俱逝奔歸寢苦塊乙酉報陞蜀序州長令縣令先是銳意進取方謂青雲在指顧間旣而屈節受散秩冀得遷調藉升斗祿慰二人無何雙親去世公遂隱居不仕時年四十二也公賦才磊落淹貫古今書藉以博學贍詞稱尤長詩賦駢麗俊逸兼

擅其優海內諸鉅公莫不愛其才而悲其遇  
天性忠孝嘗曰吾家自高曾以來世有節範  
邦達公以積累起家孔安公以孝慈教行曰  
遜公紹庭詩禮能啟後昆廷佐公嘯詠煙霞  
遺經教子國總公凡第怡怡同眠大較文臺  
公文行矯七懶賦無魚錦陽公庭闈龍蛟至  
性何殊泣竹舞班超凡公邱壑別具難懷可  
比和風惠日體仁書呈北闕自慚非百里之

長沙范氏九修宗譜

卷五 長沙公傳

四

正德堂

才邑授長合條爾抱雙親之痛誦公所言足  
徵其忠孝之至意矣晚年杜門著述手不釋  
卷張太史貞生過瑋贈詩云兩經甲子書才  
思炎冷一官只自知不爲開塲趨赴舉時  
徹夜似兒時觀此又知公嗜古之心老而彌  
篤云所著有鳧寫閣編詩史論畧書啟尺牘  
歷試草文集二十餘卷俱行於世壽歷四百  
六十八甲子終之日滿室紅光燭天里人相

驚失火無不奔至子二長馮來文亦博輿次  
林來工隸草善琴棋書畫尤擅長女四人皆  
善文詞俱適名門官族孫六人曾孫十四人  
瞻淇相如俱冠軍以承遺澤

姪孝廉鳳來謹撰

文學璧素公傳

范公諱體崙字璧素崇正辛巳歲補府學弟子員蓋大叅公之曾孫憲副公之嫡孫乾惺公諱應雷仲子公之幼也甫有七齡乾惺公遂作修文郎去公讀周易至洊雷震便淫匕泪下師詰其故以父名雷對稍長事母氏陳依依膝下一切子職宜盡者委曲奉事無違其性之誠孝如此公記問橫臆淹貫經史凡天文地理箋疏雜說靡不精通至詩學有李唐風賸書法得蘇士神髓處尤表表稱絕一時者且公之待人甚恕而此而最厚橫逆之來恬然不校羣服量若波涵聞人舉一善行家居不勝歡悅絕無纖毫爾我公素善蓄積匪但自殖有餘凡比閭族黨內遇人頗連困苦輒解囊相濟人以此感激於公公亦無德色常語兒孫曰施恩豈望報吾盡吾心爾非



甚盛德烏能若此迨至晚年彈琴自樂把酒  
怡情或手談或陸博或傍花拜石或仰觀飛  
鳥俯視遊魚逍遙一世之上優游松竹之間  
輒喟然興嘆曰人生行樂爾須富貴何爲故  
一時都人士咸以公比之康節先生云公享  
年八十有四子一宗翰砥行積學邱園自賁  
孫二人長拭策名鬻序振藻詞林次楫克遵  
庭訓敬守忠厚曾孫六人穎異不羣易曰積  
善之家必有餘慶其公之謂乎

時

皇清康熙己巳歲仲冬月

穀日

從弟長情頓首拜撰

侄從豹拜書

逸士茹吉范公傳

范公體拔字茹吉文台公之孫超凡公之子也文臺公名志誠蚤歲列第子員爲諸生時清介正直姿貌環璋博綜群書交遊皆一時名儁五試棘闈弗第遂退隱閉扉揚摧古今生二子長應昇次應兆字超凡超凡公生而儀質端重行止有度幼孜匕好學時宗族當蟬聯科甲後習俗競侈豪宕相與效謝王家

長沙范氏九修宗譜

卷三

茹吉公傳

一

正德堂

舉止遂放志於清談嘯傲絕不爲名利所羈然縱理家事和緩周詳闕居址構宇屢造作氣象極其宏遠與兄應晁公友愛悟愉視姪猶子遇校士不憚跋涉身往送之初艱於子至中年而始得茹吉公公聰敏英發讀書習制藝學業未終棄事家人產然竊自歆羨功名未弱冠時誕長嗣祖超凡公顧而樂之喜曰吾家麟兒也遂名麟來六歲令就學日夕

尹晤訓課搆筆花小樓延師友不十餘年而  
長嗣麟來以冠軍遊邑津試輒列高等屢戰  
棘闈尙未慰公願超凡不子晚而公得子  
早且多男子諸孫羅列成行矣自古有不世  
之積累者必有不世之休光吾於斯卜公之  
食報方始也公性至孝幼失母事繼母篤至  
隆敬養怡顏色承歡數十年孝行著聞宗族  
無間言一生慈仁愷惻遇事願過與毋過取

見饑寒疾苦戚然形於貌隨分施與而後快  
共友貿遷絕不較錙銖輕財大度有士君子  
所難及者待鄉鄰如一體五尺童子咸親愛  
相近尤愛植花卉築小園名葩美草四時爭  
艷佳辰拉文士呼子姪小酌詠諸其下採菓  
珍分嘗之吟詠談論末年思里居未安災殃  
頻薦後數載幸休養生聚克平厥居觀子姓  
繁多譜帙散軼派行缺如次序莫辨心竊憂

之謀爰是辛酉之秋偕族諸先生紳士計口收稻三年而畢眾爲權子毋趨物價迄客冬僉謀攸同纂續後譜以承前緒命梓付之剞劂功已過半無何昊天不惠公遂棄人間事亡已族諸先生紳士偕公嗣昆季拮据贊成夫譜牒之資動費千餘緡吾族不遺餘力而可以簡牒燦然者實公之大有造於斯舉也自秋徂冬四閱月霖雨不降歲且告歉使非

長沙范氏九修宗譜

卷五 茹古公傳

三一 正義堂

數年來持籌有素吾族不將謂時縻而舉羸乎然則公之世德相承將與斯譜共傳於不朽矣公享年六十有九娶陳氏有淑德子三麟來章來鳳來俱敬率義方能克其家麟來尤以蜚聲黌序著于時孫男共十七人多聰穎業儒術子孫繩屺之盛也時無踰公者

皇清康熙己巳歲孟冬

之吉

孝廉侄鳳來謹撰

文學胎仙公傳

公諱鶴來字胎仙余伯兄也髫齡與余同就小學癸未冬客寄舅氏王公宅同執經受業拈題命破伯氏援筆立就師疑風構先大人曰否也師大喜越明年延舅氏于家同習制舉藐以八股準繩訓余退而學尚揣也弗逮伯氏漫不經意曰文止此乎後得高華典茂之篇乃語余曰吾固謂當有是也因博觀羣

書摘詞揆藻爭妍取艷每出文詞詩賦輒古峭過人伯父長卿公以文章名一世恒喜而嘆曰他日著作手也大器愛之族先達莫不厚相期許既而余入學宮先大人責望益峻急伯氏曰采芹無難何事乃爾甲午文宗趙公函乙案隣郡移筠士過試錄伯氏第三補弟子員學師陳公良正彙考錄遺首拔伯氏卷評曰閩中肆外金不從尋行數墨中來新

青衿遂有此椽筆大異大異秋與予同進棘  
闈不期天不假之以年鴈行忽斷墳聲不聞  
合余竟抱終生之慟伯氏性沉潛嗜古不厭  
孝友誠不染世俗殆與古爲徒者也  
康熙己巳歲腊月

穀日

弟鳳來垂涕書

文學廷魁用賓國佩世益序傳

嘗攷氏族之錄自陶唐以迄商周未聞姓以  
范者遠春秋武子始以食邑而受姓焉顧吾  
長沙之聚族而居者毋亦出自其後乎然世  
遠代遙疑難自信所遞傳而開吾族之先者  
則曰七郎公始按道亨公手譜七郎公爲南  
昌郡守名乾者五世孫南宋時族眾繁盛有  
仲武及坦者俱成進士後秋山景春亦領鄉

長沙范氏九修宗譜

卷十一

魁佩益序傳

正統堂

薦惟經金元之變家臨孔道戎馬馳驅族人  
皆徙於兵閭里蕭條書籍蕩廢獨一聖清公  
孑然立於亂離之際始稍輯而居焉三傳猶  
止二人五傳纔十三人是時里巷粗安絃誦  
之聲尙寂如也又再傳乃始肄業事詩書焉  
廷魁者字元次生于成化丁亥以博學能文  
章補高安博士第子篤志詩書啟迪後人仲  
子用賓字國光率其家學滙爲淵源壯歲卽

食餼上舍從弟廷佐公季子國佩字雲衢尤  
工詩載泉閣雅言從孫益字謙之善談經爲  
侍御鴻臚師皆相次登黌序時族中曳青矜  
稱諸生者踵武相接而起自此掇巍科縮紫  
綬爲時名臣累至十餘輩皆公爲之領袖也  
先是公之曾祖邦達公於十三人中最居長  
積至公又遊泮最先故論范氏之先達則推  
公公所謂有開必先者也夫人爲開先者最

長沙范氏九修宗譜

卷五

魁賞佩益序傳

二

正義堂

難以其前無古後無今也故凡民皆有待而  
興若夫無待而興者必豪杰士也今觀聖清  
公來式微且五六世矣其間僅邦哲公子禮  
由人材以縣尉顯而斯又之寄無與焉天之  
荒我范氏何其酷也公乃毅然揭經史握鉛  
槩奮志先驅開百世人文之盛嗚呼公豈非  
豪杰十哉

從裔孫相如謹撰



非躍公傳畧

公諱金式字非躍文學國梁公之孫孝廉嘉  
賓公之長子也公少時正當族中鼎盛如大  
秦憲副及侍御諸公皆其從祖父輩也好規  
未遠而名英競出家詩書戶絃誦無不勵志  
進取公心切向往思以掇月桂看紅杏而繼  
其蹤乃顧其家則金塵灶冷即嘉賓公學業  
幾於大成猶艱文正之菘粥嘗惧不能卒其

長沙范氏九修宗譜

卷五 非躍公傳

正義堂

業斯時而欲父子一堂同聲諷誦詎可得耶  
公乃移其志曰成我於名尙猶來者事也曷  
若總其家計合吾父得肆志於詩書焉凡一  
切薪水之費膏火之費皆一身肩其任又四  
方嚮學之士有從嘉賓公遊者公且爲之給  
炊爨嘉賓公遂以有令子而得顯名於當世  
自博士弟子後卽食餼上舍至崇正癸酉領  
賢書赴春闈其間部用資贊皆公之措据劬

勞所給辨噫公之孝于是乎可徵公之名卽於是乎可傳矣性尤篤友愛閱嘉賓公遺囑每表公之勞而析箸絕無分毫私此又其得讓之可嘉者也公美行不勝載予生也晚以未嘗親炙爲憾姑述其所聞見于父老者爲實錄以光於譜牒云公享年七十有三配劉氏克相家道咸稱有內助才子三人長祖淹次宗淹次繼淹皆克其家孫男十一人病

長沙范氏九修宗譜

卷三

非器及傳

正義堂

文宏文一以選吏稱一以文學著曾孫二十餘人多業儒術捷元造元尤以邑庠大學著其聲元孫三十餘人俱秀美爲族中後學冠居敏幼以國學顯

乾隆十五年庚午季春月

族從元孫相如謹撰

穀旦

金九公傳

叔太祖諱金九孝廉嘉賓公之幼子也公生而穎異甫九歲孝廉公棄世及長親受業於文學黃夢犀先生之門先生者公姐夫也每誦讀寒暑弗輟爲文必有根據不事鉛華性嗜古博極羣書尤精于易中年淡志功名一以教子課孫爲事居族黨不侮鰥寡不畏強禦剛正之性至老不衰間釀秫酒取池魚摘

園蔬偕五六童冠釀飲高談登案峯以舒笑臨清溪而賦詩視天地爲逆旅觀光陰爲過客世尚蚤緣而堅持雅操無求於人無慕于世以見無所往而非命者無所往而非性也無所往而非性者無所往而弗樂也是故親受業於門者公之姪孫宏文子體乾長孫朋琦女壻陳嘉謨偕入豐宮公亦可謂足開來學者矣公在日予年少時嘗侍公側入讀易

軒見有聯云力固何如石虎神完絕似木鷄  
已知公洵非僅耽詩酒人也卽此亦可想見  
其爲人云

皇清乾隆十五年庚午季春月 穀旦

曾姪孫造元謹撰

席珍公傳

先生諱體璠字席珍勤苦力學寒暑不輟所  
爲文必力追正始然卒不欲拾前人牙慧歲  
丙寅受知於文宗得補弟子員試輒高等一  
時噪聲膠序共推爲文壇老將雲先是吾族  
孝廉嘉公子字會士者選師教子以公學品  
兼優卽延公爲館賓焉是時歲在癸未也予  
亦始得遊先生之門親聆緒論矣顧先生究

不欲處予於弟子之列以予資姓頗優每拈  
一題必上下其論務使根極理要而止以故  
甫閱數月而得力於先生者固多而先生之  
造就於予者亦不少也竊記其私語余曰吾  
侄聰明非其餘可及勉旃毋曠則豸繡冠裳  
應屬君家故物耳余爾時將疑將信乃不意  
未經半載而先生竟溘然徂矣蓋先生以瘠  
弱之軀幼年間用功過苦因得嘔血疾至此

而一發不復瘳嗟乎泰山頽梁木萎齋時同  
坐春風化雨中者疇不欲獻感慨僉與予而  
共抱兩楹之痛也夫

受業族侄維邶建侯氏頓首謹撰

文孫老年翁像讚

斯筠逸民曰范祖淹賦姿岐嶷秉心寒淵遇  
艱一第學足承先稱于鄉國享有大年義方  
啟後蘭苗翩翩我贊伊何惟德不涇  
雍正三年歲次乙巳六月既望

穀日

欽賜一侯三韓朱之點題并書

文學瓊英公傳併讚

范公諱騰雲字德和號瓊英高安人文學心  
一公第三嗣光祿卿鴻臚公嫡孫也瓊英公  
生而穎異甫讀書異群兒父奇愛之稍長日  
記數千言總角時空國秦漢唐宋諸書盡讀  
爲文有長才歲壬午赴試邑侯朱公面覆命  
三題援筆立就每藝灑洒千餘言侯詫異錄  
前矛文宗郭公取補弟子員治羲易是時公

長沙范氏九修宗譜

卷五

瓊英公傳

一 正義堂

年蓋廿有七也先十三歲失恃好學不厭博  
極羣書攜季弟就蕭寺偕攻苦成儒業然天  
性癖好奇書凡怪誕不經見愈鑽研熟誦好  
訪異人與之遊好黃白術以丹砂可化爲黃  
金仙人可得長生可學篤信以爲然昔是心  
一公廣購書太乙六壬奇門道釋內養諸集  
靡所不備瓊英公一見卽解似有夙契遂耽  
玩焉看書過目不忘制菘八股業典雅藻采



奪目明季文尚綺麗以詞勝公才一時

擅長

國朝黜浮崇雅文體一變余與公同硯席揣摩討論應有年所甲午迄戊午同七戰棘闈公懷才不遇遂高尚棄帖括專以著書爲事勾元抉要手不停披所著有經史漫筆圖書觸解周易類函詩學準繩指測內外篇名山卧遊記兩相快符券註淨明宗旨十二真君

長沙施氏九修宗譜

卷五 瓊英公傳

二

正德

并列仙傳贊數百餘卷以俟行世公學該博工辭賦兼通天文地理厯律醫卜之術以故與王公大人晉接談論莫逆歲辛丑太守楊侯朝公延於衙署設絳帷禮遇優渥大司成張年台貞生過筠與同年汪君毓珍聞公名傾蓋交歡沂流抵其家賦詩贈答甲辰過湖南遊三湘邑侯王公禮焉西過鄱湖訪別駕翟公論交賦詩其見重于名鄉鉅公類如此

公雖龔先人寵庇然酷信修煉不惜費辛蕩  
廢無幾存者迨甲午續鸞膠乙未誕合嗣而  
家道復成田疇室堵用克光大於舊公尤賦  
性仁孝每念前人不竟之緒必引責曰爲人  
子弗克終厥志事烏貴其有後也先是光祿  
公佳城未厝公言於太守楊侯楊侯素愛公  
助公葬銘旆翼舉題主祭奠如古禮費不下  
千餘緡弔者悅之公爲人溫恭渾厚與人言

如坐春風中生平無疾言遠色喜飲酒談吐  
玉屑霏匕一座解頤至末年斷酒持素臨終  
之前半月忽口占一首辭曰壽筭皆由命成  
敗總歸天父子不責善朋友但周旋安土敦  
仁愛息思聽自然靜涵見秋月動漱嚙甘泉  
清默神方集恬淡氣逾生胎息非口鼻性命  
根竅關息愛何須戀利名不足牽世味渾嚼  
蠟俗緣盡是閒長生亦任數快活過千年諸

子若孫知其厭世也朝夕伏膝下聽誠詞不  
十數日易簣爲終享年七十有五時壬申正  
月十五日也

余嘗聞漢方士入海求蓬萊廣川子下帷不  
觀舍圃二者於漢孰得孰失夫瓊英公兼而  
治之猶且旁通九流諸書其強毅可謂過人  
矣假令屏棄一切專攻制取藝功名紆朱紱  
何多讓焉至觀其厭世賦詩以見志自非學

長沙范氏九修宗譜

卷五 瓊英公傳

四

正義堂

道有得烏能達觀若此哉

時

康熙壬申歲仲冬月長至前一日

姪孫鳳來頓首謹撰

從孫用銓謹書

范嫺翁魏公傳

范公諱體韓字魏公文學國弼公之裔孝廉世嘉之從孫予同年進士龍文之叔父也公爲人秉性剛方任事多果斷材直毅鯁介屹立如山岳里中人往往憚其嚴每排難解紛聞其片言皆折服少時足跡江湖負元龍氣興聚百朋遂跨揚州鶴與陶倚家爭雄長然積累千餘緡略無驕吝態尤喜周人急凡鄉

隣之稱貸者一諾卽與或負者亦不苛其必償至老年積空券無累百數公悉焚之告諸子曰人雖負我毋我負人汝曹若能謹身節用衣食之源可不需此而足也諸子咸唯唯如其命此其輕財一節尤人所難及其盛德若此里中人往往樂爲稱道之生平不好爭訟獨泉窟爲一族水利且屬祖業與鄰人構十餘載至定斷結案公之力居多然亦非其

所得已也喜構屋宇幾至百楹又與族人首  
倡建宗祠宏大其前規壯麗冠錦水之南皆  
其事功彰彰可表者配謝氏有淑德中年猶  
鮮侍膝者及繼王氏乃同舉五令嗣用石用  
習用池用賀用寅均能卒義方以克其家孫  
男十五人俱紹庭詩禮尤足以見公之庇佑  
也公壽八十六有猶健若壯年行步不喜扶  
鳩其康強富壽備極箕疇之五福者也舍侄

洪愈與公爲姻婭慕公之德不忘欲倩予文  
以傳之不朽予頷之曰生與同時居同里又  
重以婚姻之好而公之懿行更自有不容泯  
沒者敢以鄙陋辭乎爰掇其本末而爲之傳  
賜進士第任都察院左副都御史  
前翰林院庶吉士年家眷侍生陳守劍拜撰  
皇清乾隆十四年歲次乙巳仲月 穀旦

鈐陽外史范公棊園傳

公諱鳳來字儀仲號棊園文學文台公之曾孫體義公之仲子也公爲人德義可尊作事可法容止可觀進退可度有古君子之遺風焉爲鈐陽外史時造士一遵胡援家法課諸生文藝必根抵性理五經每擁臯比爲邑士講議群竊疏其所聞見作爲范公語錄實而襲之朱程宗風賴以一振嘗兩拜縣篆視民

長沙范氏九修宗譜

卷十一 棊園公傳

正義堂

如子未嘗輕加一鞭撻而訟庭之間惟草生花落而已蓋公雖無吏治材而德教所孚實不亞古循良政最也生平不喜華飾居官非坐堂與接上憲衣惟布素野服卽子弟侍從諸人亦無敢以華服見公者至於世俗趨附之態好爲諛辭歌頌有位者尤爲一切所厭棄故秉鐸十數載每教人端士習戒奔競毋以屏帳碑文貽有識者羞而公之德化漸摩

既入人甚深屢却之而屢來故誕之辰製  
屏稱祝去之日勒石紀思惟匪門下士也而  
縉紳先生頌焉匪惟通都巨室也而山林隱  
逸歌焉愈久而愈難忘卽教仕後家居三載  
卒之日袁人聞之不憚五百里而赴弔其莫  
唁猶屬闔名邑卿紳士嗚呼此豈當時則榮  
沒則已者耶於茲可以攷德矣公懿行不勝  
載著於屏於碑於祭章者皆其實錄也享年

七十有八初以弱冠七多士補弟子員卽食  
餼上舍領辛酉鄉薦中亞魁七赴春闈兩次  
呈堂奇數弗第銓授袁州分宜儒學教諭兩  
攝縣事積十三年致政配王孺人性賢淑與  
公齊德子二長新繁次新遴七先公逝繁克  
其家女二長適三山楊鴻緒次適西陽府庠  
劉扶昌孫男六人皆俊偉孫女一適荷山邑  
廩生陳規瀾其彌甥也曾男孫十餘人伯父

長卿公爲四川叙州長合縣宰以文章節義  
名於世鶴來麟來均博弟子員

從孫相如謹識

時維

皇清乾隆十四年歲次乙巳仲春月 穀旦

長沙范氏九修宗譜

卷三

范園公傳

三

正義堂



進士作霖先生傳

歲在辛酉初秋勿從郵遞中得家弟廷謨一札展讀知其爲女婚范諱望齡者問尊人先生之傳於予予時正在繕本乞休惶恐悚惕爰暇應酬爲幸沐

聖天子恩沛老臣準以原品歸里處別墅廷謨閑造予道及前所郵札事且痛其婿猝于仲秋間作古余因駭然惻然不忍以仁孝重

務悉委之緡憤矣按狀先生姓范諱龍文字驥雲號作霖文學靜庵公長子也先生體貌端莊性姿英敏從就塾儼然有鶴立鷄羣不伍兒童之概予族文學禹玉公爲女擇配舉無有協其意者挹先生髻齡時丰姿俊偉不減臚腹王郎卽于邂逅卜佳壻焉及長畢婚雖食貧者有年絕無牛衣對泣之態兼之歲屆甲寅蠢動兵連馬擾破壁蕭然居無定處

止自是坎珂潦倒艱苦備歷苟非生有骨力  
誰不瞠乎落人後塵而先生上體父志下督  
愛弟攻苦卜帷釜魚麀甌晏如也不聞餒志  
而斷其讀書聲迨魏別駕下車季考吾邑得  
先生卷奇之拔其名冠童子軍奈道試屢別  
遂幡然有班生投筆想丙寅應何公歲試取  
入府庠而余次年丁卯應何公科試亦叨同  
門取入縣庠予于本科倖邀卿薦先生于次

科庚午大魁江西甲戌成進士而予亦叨恩  
挂名甲戌榜是余於先生又得稱爲同年友  
其時諸貴遊裹首京師咸羨蚌姿過眾才力  
過人稍爲請謁鑿儀要缺可唾手得而先生  
以蟠匕雙老倚門望切不肯以宦途久羈而  
曠定省甘歸聽選信矣哉人生樂事無踰具  
慶况吹簾有仲幸得同心奉養融匕洩匕其  
樂何極倏爾爾歲而太翁以壽終先生痛哭

欲絕族老爰母在卽父在之說以相慰先生  
乃勉強視事戴服養親克盡子職忽二年而  
太夫人亦以壽終治喪營葬各洽其禮服闋  
先生年近五十而赴部謁選猶屬遠巡癸未  
夏太守李公沔淹雅重先生品槩下榻敦請  
送其行曰天子求良將英雄踞馬鞍相期惟  
一語努力披心肝促裝抵京越甲申春方籌  
引見偶因公出被負義之長隨竊衣囊而逃

又聞家音歲屆凶荒不得已而先生仕進之  
念愈轉爲田園之想猶憶先生酷暑南旋之  
時作一亟寄敝署高陽備道小人陷害頓令  
保身無策而愈又以都邑遙隔不獲握手言  
別聊奉一芹以充覲轍由今以思事在三十  
八年之前而先生仙遊屈指今已十七年矣  
日月如馳幽寔堪憫具狀請傳長君鄉進士  
事也不壽早逝幼君能文丐家第廷議而代

請仁人孝子也中子次第三人亦能奉先生  
教稱爲謹厚子且齒有後弗棄甚至其曾曾  
元元紹書香而續世業自是先生盛德獲報  
之理也不必於傳乎是贊

時維

皇清乾隆六年歲次辛酉季冬月

賜進士第都察院左副都御史前

度古士年家眷弟陳守創頓首拜

聚翁先生傳

余嘗讀史見夫名人奇士大底皆由困而亨始能發奮有爲也吾姐夫奎齡字聚五者乃驥翁先生之長國器而實爲余之姨表兄也姐夫雖生由貴胄而遯其少壯時實早歷艱難也雖然姐夫正幸其少壯時早歷艱難也年十八始受業于士倫劉先生學彼時錙翁初發家計未豐姐夫乃奮然銳志日夜辛勤

篤志芸窗者數載雖不能樹幟文壇亦得克承先志康熙丁卯歲卽入膠庠甲午馬大中丞登之鄉錄少遂驥翁老先生之志而無愧乎簪纓世胄相傳之令緒也余生也晚嘗陪吾父登堂拜謁而見驥翁先生治家嚴肅義方是訓岸然道範悉屬大家舉止迥異乎流俗之波靡者也吾姐夫遵守懿訓無敢踰尺寸矩凡持己必恭待人必敬持身淡世無一

臺之僞其爲人忠厚誠樸如此甲辰歲廣東將軍李道過尊家因天雨羈留盤桓數日欲挈姐丈隨行就任以圖仕進驤翁先生阻其行曰功名自有定分何必隨人俯仰於是終老牖下而竟以田園終嗚呼姐丈之令德流芳久而彌昌遠而彌光後之君子當必有爲之誦揚不置稱道弗衰者今余授職越西王事執掌筆墨久荒無廣長舌以表揚盛德畧

述數言以誌不朽於世云

現任浙江杭州府衛守府

年家眷內弟諱一品頓首拜譔

時維

皇清乾隆十五年歲次庚午季春月 穀旦

文學范公玉書傳

公諱麟來字玉書文學文臺公之曾孫茹吉  
公之長子也公生時貌甚秀美大父超凡公  
愛而奇之喜曰此始天上石麟來耶故其名  
本此先是公伯父長寧縣尹體仁公爲諸生  
時文章名於世試輒冠軍後學奉爲宗匠公  
與從兄鶴來鳳來二公同事筆研每爲文皆  
折衷於長卿公鶴來字胎仙文皆光怪陸離

長沙范氏九修

卷五

玉書公傳

一

正義堂

不墮人牙後鳳來字儀仲深沉理壺有臺閣  
氣象公文多灑落如時花美女光彩奪人長  
卿公每顧而樂之嘆曰三子之文各異然皆  
可不作第二人想真吾家千里駒也後皆如  
其言俱以首選補入第子員鶴來早逝鳳來  
公鄉薦辛酉亞魁出授鈐陽外史公屢戰棘  
闈時命多蹶天以此一第阨公人每惜之公  
弟二人曰章來鳳來俱多子而公之子至有

七人一時群從昆季之盛家業田園之富實  
甲一族公雖未甚得志而顧其家有子孫之  
勝無貧窶之憂則又以此自慰云舊有山房  
曰筆花樓蓄盆魚怪石名花異卉甚夥率諸  
子肄業其中或良辰佳節會兄弟友人燕賞  
其下時四方從遊及族人之執贄其門者多  
蕃聲庠序公亦樂爲教授以此自終公爲人  
矜尚禮法品貌溫恭平居無疾言遽色怠慢

之氣未嘗設于身體傳所稱伊川先生終日  
端坐如泥塑人公實近之兄弟篤友于之愛  
一門之內瑕釁無聞治家嚴男女之別非慶  
弔事婦女不敢窺於堂以故閨門之內肅如  
也公素鮮著述而詩賦又非所長以此有缺  
於學家然好蓄古今名書畫所收諸子百家  
言卷軸盈縑緡與伯父長卿公種書閣相埒  
今其書亦貴重不易購惜無有遺者柏如生



公之後猶及事公撫今追昔思公之盛時與  
其行事而不可得慮後之人弗及知且弗及  
傳乃綴本末如是

從孫相如頓首拜譔

文學公衡公傳

公諱銓字良佐一字公衡係侍御鴻臚公五世之裔而明經進士元圃公之嫡孫也先是侍御公厥生三男長曰世元公即疇六代祖博極群書兩中副榜第一世元公生文郁公幼具聰敏年十四即補弟子員維時侍御公撫而異之曰此吾家千里駒也仲季如玉騰雲後先相繼並能以詩古文辭名世乃侄汝

長沙范氏九修宗譜

卷三

衡公傳

正義堂

式讀書霞春閣日記萬言方就童子試即蜚聲譽序迴憶其時亦云盛矣公衡公以七尺之軀承一經之緒此時族中文風亦稍替耳而公振臂一呼毅然以繼往開來自命凡一切里中能文之士殆無有不出公門者且公尤兼通岐黃術肘懸造化囊貯太和古所謂醫和醫緩始亦不甚多讓也歟竊記其嘗有言曰男兒觀理益明讀書益當不獲博一第

以竟吾志誓死不休耳乃六戰棘閘卒艱于  
遇殆所謂天耶命耶非人力耶公受知於宗  
師劉從弟拔倫叔祖興疇父同見知于疇五  
王先生疇也不才亦得荷先人之庇賴未湮  
之澤以庶幾不愧祖風

姪孫九疇頓首拜譔

虎臣公傳

炳文公字虎臣孝廉嘉賓公之曾孫文孫公之仲子也公爲人志氣激昂而獨謙恭下士敦重倫紀而尤篤好友於幼有材畧善師計然術故經理家務特詳權子母操奇贏不十餘年竟以素封甲其族構廬市產迄老無虛日大都皆勤儉之所致也嘗作爲家訓以貽子孫其辭曰家道之興隆在於子孫之富足

子孫之榮顯存乎禮教之確遵然總以法先人之成規則可大而可久我家自諱公以來世世相傳繩絕相繼四民之中曰士曰農或耕或讀始於事親終於立身顯親揚名者皆有成效班班可攷也憶嘗我父祖淹公積學有年命途多蹇棲遲衡泌會逢凶荒垂至干戈擾攘之秋誕生我兄用忠與翁宏文室家未遂寥落堪嗟力愈勤而食不足善益積而

遲未通斯時也欲求當身之富庶顯榮豈不  
難哉無何年至癸酉又不幸而長兄云逝雖  
繼有體徐子展然覺七子立形影相吊予乃  
與弟宏文耕者耕讀者讀經營二十餘年諸  
凡有益於家道者卽工商之業亦不憚從事  
於其中曰夕勤劬而後始得買糧十餘石以  
足衣食構屋數十間以蔽風雨由此漸耕漸  
讀故于壬辰而見弟宏文之遊泮水焉予戊

戌而見姪捷元之入庠序焉又於丁未而見  
予甥子造元之名登國學焉又于辛酉而見  
長孫屠敬亦名附大學焉其三侄亞元取元  
午元與予長子超元長子孫萬年逢年諸孫  
輩亦嘗宏文弟在日所欲激厲而裁成之者  
而予心猶有厚望焉使苟延我以年雖老耄  
其憊憊之氣亦能已耶今因前歲辛亥不  
幸宏文卽世百歲壽集一人難以獨理國愆

族戚與姪等平析其箸除厚長孫與分撥恩  
侄新展外一毫不敢私汝輩果能勤儉耕讀  
其中又何患衣食之不足子孫之不榮顯乎  
若夫守成之法則祖宗之成憲未遠如國梁  
公之帶經以鋤世嘉公之守萊蕪家法金式  
公之披雲灌月祖淹公之耨雨耕雲皆當遵  
之無往而不可也語曰雖無老成尙有典刑  
吾祖若侄諸孫輩共勉乎哉予讀其辭有以

覘公之大畧焉公壽甲子五百有奇於乾隆  
庚午春正月元日終葬荒陂山祖塋配席氏  
有溫柔德先公數年逝子三長超元次造元  
又繼保元孫男九人居敬居簡居清居秀居  
信俱超元出居孝居廉造元出居室居堂保  
元出公壽屆耄耄子孫尤遞衍實繁足以懲  
舊德之食也

乾隆十五年庚午暮春

從孫相如謹撰

紹相公傳

吾舅苑諱登虬者字起潛其大父客遊吉安  
盧陸縣見其山清水秀買田架屋遂卜居焉  
其父體春公予之岳父也生平儻有遠志  
僅誕吾舅一人因篤志訓誨吾舅爲人最剛  
直性甚癖書胸藏二西筆建五丁奈命途多  
舛穎遭黜額後因思念故土愛挈家北還教  
授十二餘年門人弟子或懸挂或採芹纍纍

長沙范氏九修宗譜

卷三

紹相公傳

一

正義堂

不乏其人其身至甲辰備卷乙巳始補弟子  
員是年益三十五歲也因向日用功過甚風  
得血疾至丙午乃寶興歲正月初旬予造其  
廬賀正且曾憶其對予而言曰家貧親老不  
爲祿仕非孝也吾卽不能蜚聲翰苑顯揚其  
親然今歲倘或再進步得任廣文邀升斗粟  
以娛親吾願亦少遂矣余爾時聞其言心甚  
許之奈何其志未嘗至丁未舊疾復作竟殞

厥軀乎嗟乎此蓋孝子也亦志士也孰意其  
性不彌而哲人已逝衣鉢誰傳一時聲氣中  
又誰不爲之扼腕痛悼耶

眷內弟傅錦頓首書



范均臨公傳

公諱白字均臨體殊公之長子也爲人志量慷慨負氣節仗義疏財性孝友爲鄉黨所稱先是父以家貧口衆欲命遠遊貨殖少濟其艱公哀母氏先逝不忍離膝下惟躬耕服賈以供子職雖菽水爲養而高堂之上歡如也娶陳氏繼王氏俱早卒喟然曰吾之無後乃命也雖然有弟在盡營諸於是拮据圖維以

長沙范氏九修宗譜

卷三

均臨公傳

一

正義堂

完其第之室性本謙讓不樂與人爭故平生未嘗一踐公門地獨其災身之禍有莫之爲而爲者前戊辰夏五月天偶旱族有泉鬪一圍引流至東圳公灌澮其中適隣人黃氏子強爭水道至劈其桔槔不已又傷其左肘公不能平輒舉手中噐以應此亦人情報施之常不料黃氏子竟以此斃其命嗚呼哀哉此殆公之風業也邑宰陳公原其情聞諸上憲

公毅然以一身負其辜不受一鞭撲苦且免  
族屬株連者十餘人噫赭衣中可謂矯七者  
矣越明年院讞成得從減論諸累人無不便  
道省親者公獨語守者曰吾父髦矣觀予形  
必慟保毋傷乎吾何忍以不孝重其罪徑悲  
咽赴獄中去惟時時對親屬問平安而已今  
年春聞父死拘於法不敢赴臨擗踊之痛悲  
感羣衆竟至哀毀骨吁立其行如此此豈爲

下而亂則刑者類耶

需軒睡者曰泉嶺之去黃氏隔三里許不惟  
非其分且非其所也彼狡者乃相持十數載  
而不已老賄司書以更其冊羅重法凡至喪  
身猶不悛乃及於此禍嗚呼愍哉司冊五號  
如東圳破溪分水陵華陂橋葫蘆陂予皆叩  
縣詳發司冊改止鈐蓋已定今復蒙部題泉  
窟東圳等允斷范姓管業黃遊席等姓只許

流澣奉

旨依議是爭端之允杜也公與有勞焉又曰  
維古人有言罔罔便是福堂此爲悔過者言  
也而公之過不及悔且亦終不得悔惟有呵  
叱搔首問青天而已是役也予亦罹於羅積  
數月乃雪亦欲求其過而悔之而天道茫茫  
慮出於此禍興於彼予亦何從測倚伏之源  
也了凡袁氏曰材全則運險爲夷命在則因  
禍爲福安知此日之不爲公福地耶公其慰  
諸請以此爲公傳

時

皇清乾隆十五年庚午仲春月

穀旦

需軒相如謹撰

文學捷若公傳

文學范公拭字捷若墨林公之長子大參憲副公之曾元孫也公出名臣之裔而不獲叨宗祖之庇邈世澤已在五世閱冠裳莫縮半綸兼以身值多艱強梗不法之徒肆凶宗族斯時也室鮮充庾家無完居即雲仍書社之所藏殘毀幾於過半對茲景况能無憂家聲之廢墜歟而公獨以邁往之性天率乃祖之

遺訓究心藝圃有志勿紛不以大參公之貴無厚費而憚螢窗之實難借光也不困憲副公之囊無長物而惧雪案之不堪耐冷也一自補弟子員後人一已百人十已千况瘁弗辭手不停披口不絕吟劬勞罔怠自謂非詩書無以承前不科甲何緣紹祖族宗人見其至老勿衰咸目拭望之矣無何時運不齊鄉闈屢屈天實爲之謂之何哉所可慰者六子

列成而季男瞻祖已名列於邑庠孫男六人  
而次子瞻霖之嗣昌元亦蜚聲譽序其餘嗣  
而振興者始未可量也戊戌春與其侄庠  
生瞻雲同捐館舍享年七十有一時予遊津  
羈城未得面辭開訃不禁揮淚錦江而水聲  
亦隨予恨而俱長

從弟維瑯謹撰

新晉公傳

公諱晉字康侯姓范氏世居高安之長沙里  
先明時四川長甯宰體仁公之孫今郡增生  
相如之父也公爲人厚重沉默天性最孝至  
老不匿先是體仁公負文章節義初授廣西  
太平府參軍朝覲天子卽上億書十篇言天  
下大事懷宗奇其才擢守鉅邑旋因丁內外  
艱未獲赴任故宦囊冰冷僅以清白貽子孫

長沙范氏九修宗譜

卷五

新晉公傳

一

正義

父林來一曰林翁母熊氏前刑部郎茂松孫  
女俱以多痛不能理家務故貧日益甚家有  
種書閣蓄書甚富子孫世其業公獨對之愁  
然曰吾親需養亟矣其惟竭力耕田供菽黍  
于二人乎是時諸弟皆幼兼無內助一切奉  
嘉旨潔飲食公以一身勝其任迄今里人稱  
之曰林翁病嗝噎十三年啖米骨所謂米骨  
者蓋春之極精而炊之極膩也翁林性豪華

喜賓客戶外之履常滿而食客必與共甘旨  
乃殆快又精於琴棋工於書畫或對而棋床  
而絃應酌翰墨之林非畢乃事輒不喜人以  
飲饌進又或披書丙夜忽急索其飲食非先  
意承之則不快公悉有以迎其志而弗失母  
老人終于服疾公爲浣厠窻巾裙時隆冬盛  
寒至淚與冰相結終不使他人分其勞林翁  
終于血疾夜卧不能伏枕及左右就養侍湯

藥積年不解衣帶後居喪盡禮幾于哀毀骨  
立至髦年猶嘗語諸子曰吾年未二十喪母  
三十喪父今且越四十矣每聞人訾歎不覺  
失聲以應如吾父之提命適來偶愆寒暑輒  
思吾親當年卧病之苦今百年風木過其墓  
不知涕泣之何從汝曹於我身後能如是乎  
其孺慕至此公壽四百六十八甲子以乾隆  
庚午六月初五日終葬始祖本善墓左配謝

老人溫柔懿淑克與公齊德子四人皆能敬率義方家嗣相如予西席實也以冠軍補博士弟子

論曰予聞之孝經天地之性人爲貴人之行莫大於孝又分別五等使各隨分自盡至於度人則曰用天之時因地之利謹身節用以養父母其卒曰生事愛敬死事哀戚生人之道盡矣死生之義備矣孝子之事親終矣此

長沙范氏九修宗譜

卷五

新晉公傳

一

正義堂

聖人之教也公庶人也克體聖人之教如是其于子道盡矣人道有不克全哉

讚曰有虞作孝厥職躬耕曾子立孝承志爲先孝思維則則此聖賢維公孺慕克景其行率乃天性全我天經卓哉懿行皎々鐸々

時

皇清乾隆五年庚申仲冬月

穀旦

會教弟朱培宏頓首拜撰



新遜公傳

公諱新遜字益謙國相公之六世孫用重公之長子也公爲人品貌極端方里中稱爲長者性孝友凡事父母撫昆季鄉黨多取法其事好爲排難解紛雖百折不憚勞平生不喜言人過雜聞鄉評必諱之少習舉子業友教四方康熙末新例詔舉品行方正者克鄉約勵風俗族進士隴文公首薦公郡上縣其事

長沙范氏九修宗譜

卷三

新遜公傳

二正義堂

特給冠帶服式從九品職官鄉里榮之予童子時輒敬憚公有仰先型志大抵公之品望素行皆不失先民之遺範者也故其名與位特冠一鄉云公享年七十有三配劉氏性賢淑與公有傲鷄鳴贈雜佩美相敬猶能如賓子三人長瞻京克其家孫男四人

皇清乾隆十五年庚午歲仲春月

穀旦

姪相如拜撰

公畧先生傳

公名新翰字公畧伯玉公之第四子也昆季五人而俱狀貌魁梧有才略確守家訓公尤英姿穎異卓犖不羣甫授筆硯即以博聞強記爲事每拈一題務必窮力追新曲斲底蘊而止且公尤屈強排戛呶咕嚙之暇間嘗練手陶甕誓心孟舟不徒區匕豆訂簋簠襲風雲月露之色是其志固翛然遠也歲甲辰

受知於文宗沈老師得補弟子員維時伯玉公則已仙遊矣而公則哀毀骨立若有不勝情者然然尤兼得伯叔心自垂髫以迄衰邁卒不聞有翩反闥牆之釁彼其爲人非真能友愛者哉公素性剛毅守正不阿旅中諸事體必得公調理而始奏厥成雖過剛恐折人或慮之顧亦公之天性使然非作致耳公始娶席繼娶毛再娶金享年耳順乃竟不得嗣

而俾其同伯道以俱痛也居子惜之  
從姪九疇頓首拜撰

長沙范氏九修宗譜

卷三

新遷公傳

二

正義堂

邑庠漢公傳

公諱瞻雲字漢章新掛公之長子先明時世有顯者如大秦公伋恤刑江南憲副公世美備兵登萊父子俱以進士爲時名宦傳至公凡七世書香之盛繹如也公幼習文藝兼有勇力時從祖龍文及叔奎齡父子相繼以弓馬第論登甲乙榜里人榮之公生與同時龍文公初領江西解甚愛公之才每相與習射

於里之西園攜樽酒以獎抑勝負則淨白引飲公每奪其先籌自是亦幡然曰毛錐子安足事也既而試其藝於督學遂膺名邑庠公素敏慧有文筆誦翰畧制藝雖萬言不俟終日嘗能記憶既誦之後輒置不問時功合嚴峻諸生聞督學來無不閉戶闔讀者公獨若無爲意而試則必高等惜數奇弗第屢入武關不見售竟賚其志以終焉時年五十有

六也初配武備備丁化龍女早卒繼配盛氏  
溫柔和藹爲閨中之秀二子奇長奇發長早  
逝今克其家者惟發孫敏溪敏恤俱秀慧先  
是自大參公來累世多文學士至公時猶彬  
匕輩出伯父拭友弟瞻祖暨侄元皆爲博士  
第子故攷吾族之世家公之室其首叙云  
皇清乾隆十五年庚午歲仲春月 毅旦

族第相如謹撰

斐亭先生傳

先生諱瞻淇字斐亭一字竹潭世居高安之長沙里曾祖長卿公爲叙州長令縣尹從祖鳳來公爲袁州分宜教論二公俱以理學文章名於世家有種書閣積書千餘卷子孫誦讀取給其中故先生之學邃有淵源開先生少時家甚益苦嘗與從弟相如先生登山樵採每往必帶經史斧斤之暇輒坐炭相對披

讀講論夜則篝燈連席相並呬晤雖值沍寒雪深三尺必聞鷄聲乃始就枕里中先達公衡師聞其勤苦召致門下課以舉子業先生爲文高雅典贍藻采奪目有臺閣氣象每試輒前茅歲庚子太守高公觀風屬邑奇其才拔冠多士壬寅徐公視學江西補入弟子員高公成齡海內知名士爲文章鉅公自拔先生後每晉接輒異數有國士之目屢薦入義

學時先生以親老辭而高公又適報陞西甯道遂不克果後屢試棘闈數奇不第居家教授一時鄉邑士多出其門先生課程嚴峻羣弟子毋敢玩過時日故雖以義之不肖亦得叨厠泮宮迄今數同門諸子青衿列鬢序者無下數十輩皆先生淵源之學之所及也先是家伯翰章公爲其弟時公擇壻一見先生卽許以東床之選後家伯任萬年訓導每鄉

薦閱邸報未見先生名恒數日於邑先生文芸甚富每片紙出輒爲門弟子所拾去故篋中無餘稿而先生亦以殘膏冷翠不之惜至先生品行端方孝友兼盡鄉黨中口碑不斷義不敢贅姑述其所聞所見以垂之久遠先生卒年五十有七悲同伯道世以此爲先生遺憾焉

乾隆庚午春月年眷門生盧崇義頓首拜撰

子陽端翁先生傳

范公諱歷元字子陽新任公之長子國相公之七世孫也予自童試筠時以文藝作合至是重以婚媾次子楷始獲依光泰岱切景行雲公少而惠貌秀美好讀書日夜揣摩一切四書講義周易官禮性理諸書靡不狂搜與義咀英嚼華爲文不喜時調幽雋雄渾酷與性理大易相參族叔祖進士龍文公奇之乃

長沙范氏九修宗譜

卷五

子陽公傳

一

正義堂

命 孫師事焉後咸甲辰太守劉公試筠士奇其文拔置前茅每接見深加賞慰有國士之目及院試弗售劉公爲之扼腕錄其遺卷以子安滕王閣賦中數十語爲贈蓋惜其有買長沙之才而不克遇欲勉以義命而使無墜青雲志也後君研礪倍至於雍正丁未歲蜚聲豐序爲吾筠望家貧隱居教授一時從遊弟子採芹者指不勝屈要皆公談論講議



誘掖開導之所致也訓子以義方嗣子正衡  
字文矩雅志嗜學搜羅不倦兼有琴樽風月  
趣次奇召奇國俱服疇力穡凡愛弟敬篤於  
事親肅然有古顏氏家風焉公間以暇日頻  
來予軒叙飲七期必醉七則分韻聯吟相得  
甚歡且素性不喜華飭其居家不裘不帛恬  
退鎮靜屢空晏如值乾隆戊午鄉試予與公  
決意觀場公未幾偶病卽病將革而棘闈鑿

戰之志不衰蓋是時年僅四十有五耳噫以  
公之才學如斯而不克竟其志予能不爲之  
痛惜耶嗚呼時運不齊命途多舛前太守劉  
摘以扼腕其才者今竟作君之哀詞也惜哉  
皇清乾隆庚午歲春月 穀旦

同邑增生年家姻教弟劉 淮頓首謹撰

范公茂枝傳

今夫無可傳而諛其辭焉則誕有可傳而失其實焉則誣誕與誣雖傳不遠吾何以傳公哉公諱茂枝字德徵郡增生其琛公之子舉人應旂公之孫生而靈慧品格異凡十齡就外傳即勤苦自勵後應童子屢試拔前茅惜終不獲售父其琛公以家政需人飲理論以改業年廿八授例入成均公嗜字意篤畫則

吳沙范氏九修宗譜

卷五

茂枝公傳

一 正雅堂

持籌据算夜必篝燈誦讀或學詩古文詞每至鷄鳴而始輟其琛公廉知之怒曰人之心思專一乃有功兼務則兩取况精神過耗即可至疾傷生吾非不知讀書應試為高今吾屢戰棘闈未獲一展家務紛紜將來衣食莫給咎誰任之且讀書祇求明理能明理即讀書也不改必懲爾于是體父意遂專理家政黜華崇實乘時督耕因利乘便竊先世少伯

之術而家業果爲之日隆買田架屋竟儼成  
鳴夷子皮之後身也居家課子孫甚嚴日夜  
在書院旁竊聽間有誤則背地必督責之故  
雖未見子之成立必見孫之採芹也至於族  
黨鄰里之間親戚友朋之屬或矜砥恤寡或  
解難排紛必竭盡心力曲直分明而後已現  
今後嗣繁昌書香未艾詎非夙德之所致哉  
余先年在傅姓姻翁眉老先生家極樂得與

公之姪姻際者交因悉翁之行誼蓋聞久已  
慕而誦之今值家帙告竣適令曾孫讀傳於  
余豈敢以不文謝而負比尊祖愛親之美意  
哉公年壽享七十有三德配劉氏女中君  
至今尚膾炙人口與公稱合德焉是爲傳  
乾隆五十七年壬子歲孟夏月上浣 穀旦

賜進士出身文林郎知利川縣事

年家眷姪陳象渭頓首拜撰

拔倫公傳

傳者傳也所以傳人之實也伯夷得傳而名益彰屈平得傳而事益顯人至歿世傳亦何可少哉翁諱拔倫字五達乃予岳父名新泰伯父也翁生平行事卓越恒流蓋隱然有古人風其稟姿也聰明俊偉好讀詩書年甫弱冠文章詩古壓倒一時里中父老往往以大器目之故就試童子屢拔前茅未幾而泮水

芹香飄然入袖爰是翁之志日益篤翁之學日益勤望之者曰秋桂春桃某必採如拾芥矣柰何秋闈屢試莫展一籌豈翁之學業猶不足以奪錦標耶然有命焉非人所能爲也翁於是循安命之娛淡功名之志古所謂達人知命者唯翁其有焉夫人不鬱于功名之途必超超於流俗之表翁也瀟灑于不事拘牽或則飲酒自娛壺觴無筭或則垂綸

自樂煙波不辭較之奮志詩書之時其致大  
不侔也古所謂無入而不自得者又唯翁有  
焉不特此也翁之於境前後有不同翁之處  
境始終無所累其始也室如懸磬若有不知  
其爲貧者恒以詩書爲飽德之資其後也富  
有日新若有不知其爲富者常以理義爲持  
身之准雖在富貴之中實超富貴之外古所  
謂貧而樂富而好禮者又唯翁有焉噫翁往

矣翁之事蹟多予不得盡詳之矣數者皆翁  
之實行而予岳父嘗爲予言者今翁家乘告  
竣予因不揣固陋撮數言附于簡末庶使翁  
之爲班班可考不致湮沒而不傳也

乾隆五十七年壬子歲仲夏月中浣 穀旦

姪孫壻庠生楊珍謹撰

先魁公傳

公之生平行狀余不言又誰得而言之蓋以公與予係卽誼舅姍余又肆業公族老嘗爲余言之予卽以父老之言匕之可乎其言曰公自弱冠時輒欲紹孝廉世嘉公祖武彼時雖大家以富而公獨惧沃土不材勵志脩修凡十三經以及諸子百家言靡不精心體會從叔進士龍文公奇之以爲吾家千里駒

定歸斯人矣及應童子試屢遭按劍發鞞翻然敢曰大丈夫不能建白朝廟須當立功邊庭遂誦投筆事戎軒之句口夜不輟以故戊戌科王公思訓輒拔取膠庠獎賞時獨謂公曰以文學而兼武備一日千里可拭目俟之無何棘闈五戰雖獲三場頂取又以一字見遺自是仕途屢志覆念惟孝友於兄弟一語直可檢吾身焉是以文學宏文公生公昆玉

者四而公居長公體父志儼然張仲孝友分  
爨時又如叔牙分金自始至終怡怡一堂宗  
族稱孝友焉不第此也族黨有貧乏者無葬  
殮費無飲食賞公皆慇懃而周濟之由是一  
時推重而爭聞者僉欲得公一言以爲快哉  
當公世閭里不聞有訟焉此父老之爲余言  
者此也公諱捷元字先魁享年八十有三髮  
妻譙氏生子三繼娶陳氏生子四七令嗣公

皆誕師讀課卓匕有聲而卜年試藝尤老幹  
無枝殆所謂大器晚成光大門閭者乎

時

國朝乾隆五十七年壬子歲仲夏月 穀旦

明經進士眷內弟王步衢漢程氏拜撰

不肖男卜年敬書

文學建侯公夫婦合傳

公諱維邶字建侯貢士如玉公之曾孫御  
史鴻臚公之六世孫也先是體吉公坐忤父  
用鏗並邑庠叔父用銓公父因家務羈身遊  
廢儒業晚精於醫以濟人爲事痛學未成立  
志訓公公天姿穎異每晨誦文不下十餘首  
鄙夷時藝專攻大家而章大力尤其神髓也  
是以應童子試宗師王諱思訓歲試得公

輒器重之以爲積理名言一語抵人千百一  
日千里可拭目俟之遂披郡學首自復屢試  
優等進增廣生乃數奇不偶秋闈賦力薦  
未售公始撫案嘆曰文章知已蓋若斯之難  
也於是設教鄉塾一時從遊者益眾諸弟子  
登科第者亦不乏人而嗣長君諱九疇者亦  
於辛酉科旋補弟子員公之開來學傳道脈  
其膾炙於人口而不衰也固宜而聖公之生



平其得力於淑配者居多公配分漢王氏卽  
御史許之公六世孫女也簪纓望族代有衣  
冠書中甘苦恒備識焉以故公雖貧備而一  
飲一食皆親操井臼不厭煩苦及公教長君  
而其曲成尤倍篤助夫益子已見一斑他如  
孝敬翁姑和睦妯娌又其餘事矣予以表姪  
得後遊於公其於親見而可傳于後世者悉  
數之不能終厥美也茲因公之三嗣長子浚

滄者續緝家乘囑予爲傳予以親炙日夕受  
益良多其始終本末實目擊心藏之甚稔安  
敢以鄙俚是辭而不之合舉其大概焉

時

乾隆五十七年壬子歲仲夏月中浣 穀旦

恩科明經進士眷表侄王步衢頓首拜撰  
不肖孫凌滄敬書

新偉公傳

人有素行純謹身負大才而乃困厄不遇不假之年真令人信而疑也而復信也曷言之聖門顏子秦世甘羅均罹此厄非其德之不足實其數之適然耳其於德而又何難乎范公新偉早年棄世其于此二人又何如乎當其束髮受書日夜披吟寒暑如一其艾茂枝公單傳六世見其身體微弱恐因書致病

長沙范氏九修宗譜

卷三

新偉公傳

一

有妨大壽皆地納以成均而欲其惜身養命乃報至之日累朝不悅先生以父愛惜深意喻之且言辟雍亦士人進身之階未始不可以月宮折桂杏苑簪花公方喜即默體父志功苦略減然卷亦終未嘗釋手焉生平雖未與家政但在族黨鄉閭親戚朋友之間無一毫驕奢無纖微刻薄動必循理言必合義二人之前尤爲加謹承顏悅色靡不得親歡心

親亦愛之如寶宗族咸以孝稱於歲有德若  
此有才若此雖天厄之遇限之數而亦何愧  
膺大祿享大年者哉語云行不觀其三代之  
實則難以得一門之慶余於新偉公前人與  
其後人無不詳且悉也而能默然已乎詩曰  
孝子不憤允錫爾類范公有焉公諱新偉魁  
士其字也孺人劉氏勵節撫孤教子成名詎  
非兩美必合宇宙之賢偶哉

米峰陳象渭拜撰

文學范公少司傳

伯父諱相如字少司號需軒睡者一號醉花  
仙客伯父生五齡時聞童子誦四書輒記不  
忘其大意亦能見解予大父康侯公見而心  
慰曰此子足紹吾先祖體仁公之傳也柰予  
苦貧難何既而曰甯使數世艱於食可使再  
世貧于書乎乃命執經就傅時年已十一矣  
每授章句十倍群童及長酷愛玉茗花間諸

長沙范氏九修宗譜

卷五

少司公傳

正義堂

集故詞賦詩歌名甲通郡督學沈公案臨以  
冠軍補弟子員試輒出人頭地者指不勝屈  
由是邑中名俊之士多遊其門如明經進士  
王子步衢郡廩廬子維翰庠生吳子達觀甘  
子尚忠黃子萬選俱士林翹楚者也慕其古  
學冠人互執贄而師以北面本色王簿朱公  
培聞而羨之揖爲西席者七年且其生平性  
尤耿介苟非以文字通聲氣卽黃青朱門從

不足及恒自吟曰艷眼丹花人富貴怡情菊  
蕊自寒霜觀者知其有人夏已秋眾紅獨素  
者矣暇時無他所事惟時葩各弄手自灌溉  
栽培以供目玩以故梅瘦菊寒深爲刻臍際  
花之會傾壺而酒疊簡而詩快然陶然曾不  
自知其身爲單瓢境也所著有詩歌詞賦蕪  
文千餘篇名曰需軒小草俱足垂型後學擬  
付梓人案囊告乏迄今墨艷筆香猶聞悵泣

至如族中諸凡構難事得伯父片言遂各欣  
釋族因泉窟構訟鄰人伯父與邑庠捷元先  
生挺身堂質訟始安貞而遠邇茂不嘉其有  
學有識無如學富五車桂慳雙柔嗣遺一綫  
蘭復早凋識者悲其有子建之才而不及孫  
山之遇量同叔度而行媿裴公終解汾陽點  
頷之慶禹鈞茂桂之榮嗟哉命矣夫命矣夫  
享年六十有八捐館之日不肖僅十初齡其

高文學行未獲馨見姑得於耳所習聞者聊  
誌之以爲後俊展譜而知吾族之有相如其  
人

時

乾隆五十七年歲次壬子仲夏月

穀旦

不肖侄奇松謹撰

文學原洛先生傳

聞之太上立德其次立言又曰上士報國以  
經濟下士報國以文章公自弱冠以至垂老  
頻笑不苟軌物獨嚴可謂立德矣排難解紛  
舉人之所不能爲者彼獨爲之而無難可謂  
有經濟矣若夫設教多方經書義晦不憚千  
萬言條分縷析使晦義炳若日星謂非立言  
乎四書題藝所攜不下千百篇皆以闡明聖

學使肄業者均曉然於題義之甚確而無惑  
他岐謂非有文章乎由此言之公之道德文  
章宜乎干青雲而直上而何以辛酉入泮僅  
至癸酉科一薦了局嗚呼遇亦窮矣予遊其  
門前後已七載公之目提面命雖非異聞而  
不啻有異聞也茲當家乘告竣予不忍以入  
子之道沒湮弗彰固不憚文辭不雅馴而爲  
之約述其梗概云公諱九疇字原洛色增生

享年六十有六娶褚氏生子二奇碧奇璠是也

時

乾隆五十七年歲次壬子仲夏月 穀旦

明經進士受業表第王步衢頓首拜撰

不肖姪步滄敬書

長沙范氏九修宗譜

卷五 原落公傳

二 正義堂



歲進士履亨公傳

傳者傳也忠孝廉節與夫事業功名並一切行己立身均貴名稱其實斯可垂之譜牒而彌光壽之子孫而不敝同邑歲薦范公字會嘉者生而穎異長而岐嶷初擢管爲文卽能穎異標新不傍人門戶里中前達先生見之無不以科甲相期謂是人真能紹祖宗之書香振范門之閥閱者也年十八受知於督學

金公補弟子員後更勵志進修文造深奧雄渾奈數奇不過五戰棘闈終不獲售遂決志不欲再試而以殷勤課後爲務早起晏罷凡寒暑往來督責不輟且性喜樸素不事驕奢敦行誼以爲里中式鄉黨有資品可造者必獎勵以激成之貧不能給者必解囊以贖之紛爭致訟者必排解而沮抑之以故鄰里卹黨中感甚德之焉至於承先人之餘緒租債

典押之屬本利清還固受不還亦聽人自便  
從不出一惡言以傷雅道在旁觀者以爲公  
屬書愚不知公之愚乃公之德耳蓋嘗語家  
人曰我非不矩負欠者本息兩懸以致家貲  
日促今必欲強爲致之則我取彼推終年終  
日事故必多而家資不愈促乎況此輩非甘  
心負欠又安知異日不大有償耶此凡皆親  
得之吾姑母子侄輩嘗膾炙於口耳而熟知

之也嗟夫行誼若此謂非可垂之譜牒而彌  
光壽諸子孫而不敝者乎余自己丑叨  
恩倖成進士濫入仕途廿有餘年筆墨火跡  
固不能以鈍筆而揚盛德之光然盛德彰著  
究不待余之筆而昭然自顯也公諱履亨字  
會嘉享年五十有八禮部進士應旂之元孫  
太學生新偉之長子初配劉氏繼配譙氏現  
在操持家政篤志課子素以賢聲聞共子七

皆特達英俊行看繼先聲紹祖德特指願間  
事耳爰不禁雀躍而爲之傳

時

乾隆五十七年歲次壬子仲夏月 穀旦

賜進士出身文林郎湖北利川縣事

年家眷弟陳象渭頓首拜譔

擢謙公傳

公姓范氏名居敬字擢謙長沙里人其高曾祖嘉賓公登崇正癸酉科舉人叔祖宏文公郡庠生祖炳文公府吏侯選縣左堂父超元公業儒叔父造元公大學生超元公生居敬自悔其身習舉子業府縣試輒列前茅今艱於院試因喟然嘆曰區區者而不予昇天之阨我也承居敬幼遂爲之援例貢入成均意

長沙范氏九修宗譜

卷三

擢謙公傳

一 正義堂

謂得人學鼓篋與諸儒執經問難於前紆後服曳方履間匕秩秩異日登賢能之書帖泥金之信由此其選也詎料超元公棄世居敬遂不暇以詩書爲事而勸課農桑時而遨遊山水時而不衫不履如太原公子曷裘而來嚮使終其聰敏之姿瀟灑之性安知不與長沙父子兄弟叔侄聯登者等乃不爭名於朝不爭利於市渾渾噩噩淡然若無所求是其

天性固然耶抑或有若使之者耶憶乙巳予  
館居敬從弟大學生范春魁家數月餘始得  
交居敬酒席之間談及考試事居敬云我亦  
堪爲折桂容彩蟾何處借梯升予詢其句所  
由來渠云得之長卿公予亦以長卿公句酬  
之今幸星沙產神物隱有飛鴻出有龍遂相  
笑而罷今壬子予復館長沙詢及居敬已遊  
蓬島矣爲之扼腕曰斯人尙不滿五十餘何

長沙范氏九修宗譜

卷五

楊謙公傳

二

正義堂

天奪之速也不數日令子奇芒抱風木之悲  
以族人纂修家乘冀予一言以誌不朽予因  
回意得交居敬之緣綜其始終而紀之焉至  
若生歿葬娶悉載世系奚俟余贅  
乾隆五十七年閏四月下澣之吉

荷山眷教弟陳守敬頓首拜撰

范公奇文公傳贊

自古修短之數最足顯倒斯世之人心往往  
歷年不永悔悼歎於天道之無常聖賢安之  
於是乎有安命之學有立命之功雖理與數  
之難憑而修身以俟之意未嘗稍有回惑也  
語曰天道無親常與善人然七十子之徒仲  
尼獨推顏淵爲好學而短命以死盜跖操行  
不軌竟以壽終倘所謂天道是耶非耶然則

長沙范氏九修宗譜

卷五

奇文公傳

二

正義堂

何必不以不壽爲吾媿翁惜哉姻翁諱奇文  
字欣賞致之公之長子也天倫敦厚弱冠時  
嶄然露頭角讀書能通大義每經口講指畫  
輒透徹解理致之公見其器宇宏深謂是兒  
他日必爲邦家光延師勤課讀公卽體父志  
讀書嗜古廢寢忘食父母慮其精力單弱不  
能久困風簷遂遵

貢成均先是致之公總理家務具有良圖尋

例

以乾隆壬寅年兩學公舉鄉飲公以父作實  
王家遂引家事爲已任不令乃父知之其才  
識鍊達經所籌畫輒超人意表由是擴恢前  
業家益饒裕然性甘淡泊蔬食裋褐毫無膏  
梁子弟風始知幼時之器宇宏深正以養精  
明于沉靜也夫士君子束身砥行修之家獻  
之廷總之不外乎守身者近是孝弟立身之  
大節也公孝友性成早歲失恃而事繼母猶

獲綿綿延亾於世然後嘆天之所以位置于斯人者有在而賢豪之難得可惜也雖然天地之大也西北或傾東南多陷人生斯世安所得百全無憾所貴以達天之心立安命之學有可以死不朽者雖死之日猶生之年曼卿年少仍主芙蓉之城子建才高應王遷西之國安知公不以三十二年現身說法夢幻泡影警懼流輩耶公今者音容杳矣而奇節

偉行炳若日星茲值范氏譜牒告成予因得以舊所見聞不揣固陋爲之述其梗概承垂不朽又况嗣君磊落矯亾不羣他日奮跡天衢龍章龜錫所以嘉獎公德者自有王言在也則又何必以不壽公惜哉後之人覽者亦將有感于斯文

讚曰

皇天無親惟德是親報施善人曷其有既不



於其身於其後裔於熾而昌千秋萬世公年  
不遐公德不替行邀  
寵綸繩七繼七

時

乾隆五十七年歲次壬子仲夏

穀旦

年家姻教弟邑庠生傅汝猷頓首拜撰

席珍公讚

這個老翁渾然天質樸實自守安貞履吉蔬  
食布衣淡泊終日應事接物直道是率有嚴  
有異禮法罔失克勤克儉肯構作室身可爲  
鄉黨之典型事可作群黎之法律洵足徵期  
頤大老宜錫以冠帶品秩

年眷弟劉文澗頓首謹譔

范太君節孝傳

歸以節見非幸也而歸以節見猶幸也歸不  
借君子於白髮而御琴瑟而靜好不足以慶  
齊眉而失君子於韶年不抱琵琶而別彈獨  
足以成大節不可謂不幸也予族姑范太君  
者系出真良同我遠祖之裔耦結高陽實筠  
名望之鄉柔順既秉乎天性敬戒亦昭于鄉  
村凜姆氏之教德音容功並嫻迨吉士之謂

長沙范氏九修宗譜

卷五

太君節傳

一

正義堂

桃夭華實同時乃之子歸矣六載唱隨居然  
無失而君不見夸一朝湯藥頓爾空嘗不如  
無生幾欲相從於地下來相勸勉因思顧養  
於堂前於是載治殯歛于是載管超薦事無  
大小身獨存肩致孝養事翁姑以媳道而兼  
子道撫孤兒完教配以母勞而代父勞妯娌  
處之以和業已人言無間僕婢待之以恕何  
致眾情向隅吁嗟乎年始十八人號未亡洵

美哉史闕廿三德將無愧匪石而匪席心在  
傾舟之篇如玉而如水行符烈女之傳以此  
真操可以勵俗豈其苦節竟至無名乾隆四  
十二年邑侯兩學獻閭範於

形廷旋看有道

一人錫褒嘉於巾幗一時傳其勇躍千載想  
其清風人方共指爲母儀庶幾不負乎素志  
矣故婦于韶年而絃之遽斷者非幸婦于白

長沙范氏九修宗譜

卷三

太君節傳

一

正義堂

髮而調之不別者爲幸也婦不斷而絃不過  
爲婦者雖幸婦不別調而不失爲婦者不可  
謂不幸也茲其入與

時

乾隆五十七年歲次壬子仲夏月 數日  
己丑進士利川縣知縣米峰宗姪象渭拜撰

節孝陳孺人行略

孺人余之族故母也小字栗真古橋邑庠生嘉謨公之長女邑庠生濟川之妹也年十八歸長沙范用榭甫六載生一子一女而寡初夫病劇自知不能起給之曰人盡夫也我死聽汝自裁孺人厲聲曰從一而終婦之義也妾雖女流有死無二不數日夫遽有玉樓召孺人哭踊踰飾誓不欲生水勺不入口七日

長沙范氏九修宗譜

卷十三 陳孺人畧

一 正義堂

故慰之再三日死者長已矣生者其寡乎汝不節哀順變獨不念此一塊肉耶于是強起就食唯唯聽命事姑以孝待妯娌以和撫一子一女稍稍成立女以兄妹結親嫁古橋姓傳敬子新萊娶媳鈞山劉生孫男一名瞻梅孫女一適汾口王繼娶媳一都劉生孫女二長適烏泥漆坊適敵族古橋陳孺人自幼至老撤環瑱不事粉黛日夜紡績勤儉凡里中

遊神賽社間外事一切不介其意乾隆四十二年邑侯蕭訓其事於朝 勅賜

貞節二字今廟岡腦建有牌坊是其遺址也夫天地山川靈淑之氣鐘于男子則產忠臣鍾於女子則產節婦而吾謂婦之節效難於忠忠激奮於一時節則垂數十年之久其間保無危疑震憾之故以試之紛華美麗之事以中之三姑六婆之人以誘之牛鬼蛇神之

夢以惑之而孺人篝灯獨守艱辛萬狀卒能歷常變而不易其操綜始終而不改其志卽較之共姜有其過之無不及焉孺人于康熙庚寅年九月初四日 時生於乾隆五十四年四月十一日寅時歿以乾隆五十六年十月十四日卯時葬於廟岡腦之原享年八十其孫太學生瞻梅娶西溪陳氏生孫曾三長各長生娶珠湖傅氏生元孫女二次各長安

娶上保陳氏生元孫男一幼名長樂娶珠湖  
傅氏生元孫男 師師濟濟五代一堂是天  
之所以報孺人之苦節者不可謂不厚也今  
皇上五十七年幸旌善傳 孺人不得不就  
孺人之巔未言之至其後子孫繼述紆青曳  
紫則俟後之珥筆者焉

時

乾隆五十七年歲次壬子仲夏月 續日

邑庠生宗姪守敦學半氏頓首拜撰

不孝孫瞻梅敬書

60

61

62

63

64